

DIPOTŠIŠO LE DIKARABO

 Ga ke tsebe kae. Bona—bona ka kgonagalo, mohlomongwe, ba ka no e ngwala godimo. E rile, “Jesaya 4:24.” Bjale, Jesaya 4 e na le feela ditemana tše tshela ka go yona, kafao ke . . . gomme ga ke tsebe ge eba le be le e ra Jesaya 5:24. E re, “Tlhaloso ya Lengwalo ke eng, gomme e tla phethagala neng, Jesaya 4:24?” Gomme Jesaya 4 e ne ditemana tše tshela. Ge le ka kgona . . . E ka ba mang a e ngwadilego, ge o ka kgona go nagana bjale, mohlomongwe, le go e ngwala gape, nka kgona go fihla go yona, le a bona. Ga ke tsebe feela moo o bego o bolela ka gona, “Jesaya 4:24, tlhaloso ya Lengwalo ke eng gomme e tla phethagala neng?”

² Bjale, nka se le swarelele botelele. Ke ne . . . go lokile, ke a leboga, ngwanešu. Gomme ke na le—ke na le mafelo a mangwe go ya, gomme ye . . . Le a tseba, ke be ke nagana, ke bile le lengwalo mo, goba, ntshwareleng, lengwalo go tšwa go Mna. Baxter. Gomme pele re thoma ka ditirelo mosong wo, ka ye, Ke tla—ke tla rata le—le rapele le nna nakwana feela.

³ Ke—ke be ke etšwa ka ditirelong ka wona maikemišetšo a makaonekaone go ya ka go—go tirelo ya ka mošwamawatle, feela ka go matšatši a se makae a latelago. Bjale ke hwetša lengwalo go tšwa go Ngwanešu Baxter, Ngwanešu Cox o mpaletše lona godimo ga mogala bošegong bja go feta gomme o mphile lona mosong wo, gore ba leka go e bea morago gape bjale, gape. Gomme ga ke—ga ke tsebe ge eba yoo ke Sathane a lekago go ntshwara morago goba a ke Modimo a no leta bakeng sa nako go loka. Ga—ga ke tsebe. Ba nyaka go e bea morago seripa se sennyane, gomme ba no tšwelapele ba e beakanya morago ge e sa le Oktobere. Oktobere, Nofemere, Desemere, Janaware, ye e nyakile go ba dikg wedi tše nne bjale tše o ba e beilego morago.

⁴ Gomme bjale pono e tlide, še e ngwadilwe mo ka Beibeleng feela tlwa se se tla diregago; eupša ge, ga ke tsebe. Bjale, ke boditše batho feela (ka tumelo ye botse) se ba mpoditšego, gore go ba komana mo nakong ye.

⁵ Bjale batho ba nagana gore, ke a dumela, gore ke no se botege ka yona, “Oo, eng . . . o ya go hwetša neng . . . O ya go ya neng?”

⁶ Eupša ge ke hwetša mangwalo a gomme ba mpotša, “Gabotse, o ka se kgone go e dira feela gabjale, go na le ye e swanetšego go dirwa, gomme ye e swanetše go dirwa.” Gona ga ke . . . Ke—ke ikwela gampe, go lebana le batho. Ga ke tsebe gore nka dira eng. Eupša selo se tee, ke tla dira se, gomme lena bohle le nna; ke ya go e gafela go Modimo, le go re, “Bjale, Morena, ge O le komana, ke a dira.” Le a bona? Gomme ge nka no . . .

⁷ Dinako tše dingwe ke dikereke di tšwile seemong, bjale ke dibisa goba se sengwe gape. Le a tseba, go no ba dilo boka tše. E ka no ba Sathane a leka go e dira. Kafao ge re rapela mosong wo... Gomme nako le nako ge le rapela go kgabola beke, le—le nthapediše le go kgopela Modimo go... Ge e le Sathane, go mo šuthiša go tloga tseleng. Le a bona? Gomme ge e le—gomme ge e le thato ya Gagwe, ntshwareng mo. Le a bona? O tseba feela tlwa se a ka se dirago. Go ka no ba le se sengwe gape A se sepedišago tikologong, go bea seswantšho gabotse. Ga ke tsoge ka nyaka go ya ka pele ga Gagwe. Oo! Ge o dira seo, se a šiiša. Le a bona? Kafao ke—ke no ikwela gore ke... gore—gore e ka ba...ga ke tsebe ke bolele eng, gobane ga ke tsebe.

⁸ Go no swana le ngwanešu morategi wa rena, George Wright. Ba bantsi ba lena le tseba maemo a gagwe, a ga le? Gomme le a tseba dingaka di mo hlobogile, gore o be a swanetše go ba a hwile beke ya go feta, goba bontši, le a bona, Ngwanešu George Wright. Ke ile tlase go mmona, gomme ge ke sa le tlase kua ke rapetše le go rapela ka tlhokofalo ka mo ke tsebilego mokgwa wa go mo rapelela. Gomme ka gona go tleng gae gomme ke maketše se se tla diregago. Gomme ka morago ga matšatši a se makae, gabotse, ke—ke bile le pono Mošupologo wa go feta mosong, gomme ke letile...

⁹ Bjale, go na le—go na le mosadi yo ke mo rapeletšego ka kankere, gomme ke mmone a ema gomme o—o tla... Ba mmutše, o be a nno tlala ka kankere, ba nno mo roka morago. Le a bona? Eupša o ya go phela. Ke tseba seo.

¹⁰ Eupša, bjale, Ngwanešu George Wright, ga se ka hwetša pono go hlaka. Ke be ke etla... Pono yela ya go swana, ke be ke tšwela ntle gomme ke bone lefelo la gagwe—la gagwe, ntlo ya gagwe. Gomme ka go lehlakore le letshadi la ntlo moo yona mehlare e emego fale, mo—mo mohlare wa willow, thwi go bapa godimo fale ke bone makolonkota a tšhila, a nyakile go ba bogolo bja letswele la ka, a tokologela tlase. Gomme ke kwele Morongwa yola yo a bego a eme hleng le lehlakore la ka, o boletše se sengwe ka ga lebitla le Ngwanešu George.

¹¹ Bjale, e be e le e ka ba se, gore e be e le lebitla la Ngwanešu George leo ba bego ba le epa, goba go bonala go nna... Bjale, elelwang bjale, nka se bolele ye... gomme ge e sa le ke dumela re na le tshepedišo ya P.A. e sepela go kgabola mo, goba tshepedišo ya kgatišo, a ke re. Eupša bjale ke nyaka go e dira e kwagale, boka ke dirile go bona, ke a nagana e be e le se...

¹² Go be go le sehlopha sa batho tlase kua ba mo sega ka gobane gore o dumela gore Modimo o ya go mo fodiša morago ga ge ngaka a rile, “O a babja. Gabotse, ga a kgone, le a bona, go kgahla ga madi šetše go le ka maswafong a gagwe, le go tshwela ntle madi, le se sengwe le se sengwe gape.” O rile, “Ke feela thoro ya pele ye nnyane e yago pelong ya gagwe goba hlogo ya gagwe, e tla

mo golofatša goba go mmolaya.” Le a bona? Gomme o bogolo bja mengwaga ye masomešupa pedi, go feta nako e beetšwego.

¹³ Eupša ke a dumela gore e be e le se, gore o tla epa lebitla la ba bangwe ba bao ba mo segago, go epa lebitla. Gomme bjale, ga ke tsebe gore o be a le moepalebitla, eupša ke yena. Ke, le a bona, ge ke naganne seo, o epa mabitla, seo ke se a se dirago. Gomme go bonagetše eke go be go le se sengwe ka ga lebitla le go epa lebitla, goba—goba se sengwe boka seo, le Ngwanešu George Wright.

¹⁴ Ke kgopetše Morena bjale, lebaka la e ka ba mašego a mane, go boeletša go nna gape ge A ka dira. E tla mmogo e ka ba iri ya bošupa goba seswai mosong wo mongwe. Kafao ke a tshepa gore O tla e dira go hlaka. Eupša ke dumela ka pelo ya ka yohle... Bjale, ye e no ba gore ke be ke nepile ge ke bolela gore o tla epela ba bangwe ba bao ba mo segago lebitla, ge ke na le yona e hlakile. Eupša ga ke na kgonthe kudu ka yona. E be e le se sengwe ka go epa lebitla, le Ngwanešu George Wright. Ke nagana gore o be a swanetše go epa lebitla la yo mongwe a bego a mo sega.

¹⁵ Bjale, Modimo ke lerato, gomme, oo, re no mo rata ka dipelo tšohle tša rena.

¹⁶ Bjale, mosong wo ga re nyake go tšea nako ye ntši kudu ya rena mo ka dipotšišo tše. Ke tla di araba bokaonekaone bja tsebo ya ka. Bjale, bagwera, nka kgona go dira diphošo tše ntši kudu go dilo tše. Ke no ba—ke no ba monna boka bohle ka moka ga rena. Gomme Ngwanešu Neville, goba e ka ba ofe wa badiredi ba bangwe ba, goba go ya pele, a ka kgona go di araba feela go swana le ge nka kgona. Eupša, ke dira se ka morero, go hwetša ntle se se lego pelong ya batho.

¹⁷ Gona ge ke bona ba bane goba ba bahlano ba gogela go selo se tee, gona ke a nagana, “Uh-oo, ke rena ba. Moo, ke tseba mo le lego bjale, dipotšišo tše dingwe tše nnyane ka kerekeng.” Gomme bjale a re nong go lebala ka di—di dipotšišo tše nnyane. Gomme selo se segolo ka godimo ga se sengwe le se sengwe ke go boloka kereke ka kwanong le ka leratong la Modimo, le go ya pele, ge bohle re ka kgona go dumela gore Madi a Jesu Kriste a re hlwekiša go tšwa sebeng le goseloke. Ge mosadi a dutše kgauswi le wena, goba monna a dutšego hleng le wena, ge a sa dumele gore Jesu o tla—ka kgonthe o tla tla ka go bonagala gape, a re no dumelana go... go ya pele gole bjalo. Ga re dumelane le yena go Lengwalo. Eupša a re direng kereke go sepela bakeng sa kwano, gobane ka fale re ya go swara batho ba bangwe gape. Eupša ge kereke e tšwile kwanong, gona le—le gobatša kereke, gona le gobatša taba. Wena... e no ba... o no se kgone go e dira. Eupša ge re ka kgona go dumelana godimo ga selo setee, gore Madi a Jesu Kriste a re hlwekiša go tšwa sebeng sohle (seo ke therešo) gomme sebe se ile, gona re gabotse kgauswi le mothalo wa gae nako yeo, Ngwanešu Neville. Ge Madi, ge re le Mad...

¹⁸ Ke na le ngwanešu, re leloko la madi. Eupša, nna, ka fao re ganetšago; uh, go šokiša. Eupša, go no swana, re banešu.

¹⁹ Bjale, ke be ke nagana ka beke ye, beke ye e tlago, ge nkabe ke se ka ya mošwamawatle, mohlomongwe. . . Ngwanešu Cauble o tla godimo, gomme o nyakile go thoma lesolo ka Louisville, gomme o be a nyaka go hwetša Bobolokelo bjola re bilego le tirelo ya rena ye nnyane ya phodišo godimo kua bošego bjo bongwe. Gomme Morena o šomile dilo tše dingwe tša go kgahliša. Gomme kafao. . . Eupša gona ke hweditše gore banešu bale go tšwa Del Rio, Texas, banešu ba gaJessup, ba ne tirelo ka Louisville gomme ba ne seboledi se sekaoekaone sa bona godimo fale bakeng sa dibeke tše di latelago tše di tlago. Gomme o rile o be a sa tsebe feela gore o ya go tloga neng. Charles, ke a dumela ke yena, yo a swanetšego go ba fao beke ye e latelago, gomme ka kgonthe nka se thome tsoselētšo kae kapa kae le lesolo la mohuta woo go ya pele.

²⁰ Gomme gape ba na le lesolo la phodišo. Gomme kafao lesolo la phodišo le ka morago ga sekalela, sekaleleng se. Gomme kafao ke be nka se nyake go thoma kopano le—le bona ba na le kopano kua, gobane ke tseba se e tla bago felotsoko gomme go no. . . Oo, le a tseba, ge ke sa swere kopano gomme yo mongwe a tabogela godimo le go thoma kopano ye nnyane ka mokgwa woo. Go no se lebege gabotse, ga go e fe lefelo la maleba, le a tseba. Kafao re tla no leta go fihla moragwana gannyane, mohlomongwe Morena o tla re thuša. O tla re thuša, go le bjalo, gomme kafao re no dumela le go swarelala le go botega go Modimo.

Bjale a re ka rapela:

²¹ Tate, ka Legodimong, a nke ditšhegofatšo tša Gago di phadime godimo ga rena bjale ge ke eya pele go araba dipotšišo tše. O Modimo, feela. . . Go na le tše dingwe tša tšona mo ga se ka ke ebile ka di lebelela gabjale, gomme feela tše pedi goba tše tharo tše ke—ke di badilego feela nakwana ya go feta. Ke a rapela, Tate, gore O tla nthuša le go mpha bohlale le kwešišo, gore ke tla bolela feela seo se lokilego. E fe, Tate. Gomme a nke ke be le Bohlale bja Gago gomme a nke Moya wo Mokgethwa o theoge gonabjale le go fa bohlale bjoo bo hlokwago. Re šegofatše mmogo lehono, Morena, bjalo ka sehlopha se sennyane se sa tabarenenekele mo.

²² Šegofatša ngwanešu morategi wa rena, Ngwanešu Neville, mo, Tate, o šoma go bapa, modiši fa ka ka go tšhemoya mafulo, yoo a—yoo a lekago go hlalhlela dinku go bjang bjo botala le leobanare la go teba, goba ntle ka meetseng gomme morago go mohlare wa moriti, le go hlokomela balwetši le bahloki le ba bannyane ba golofetšego le ba ba lapilego le go leka go di alafa le go di tliša, gore di be dinku tša kgonthe. O Tate, ke a rapela gore O tla mo šegofatša. Mo fe bohlale le tsebo le kwešišo.

²³ Gomme re thuše bohole mmogo bjale, Tate, gomme re tla Go fa tumišo. Ka Leina la Jesu. Amene.

²⁴ Bjale, ka go tše dingwe tša tše mo, ke tla di ntšhetša ntle, ke di hlomile feela ka go dikarolo tša Lengwalo moo ba—moo e bego e le tša gona. Gomme bjale re no thoma ka tše dingwe, le go araba thwi mmogo go fihla re kgona go hwetša—go hwetša bontši bjalo ka ge re ka kgona. Gomme ke a dumela re ka kgona go di hwetša tšohle, gomme ke tla ba mohuta wa go šetša mo gore re tšwa ka pela.

²⁵ Selo sa pele e no ba potšišo, feela potšišo ya go otlologa:

8. Ke kolobeditšwe ka mengwaga ye lesometharo. A ke swanetše go ba gape?

²⁶ Bjale, yeo ke—yeo ke potšišo ye nnyane ye botse go e botšiša. Gabotse, bjale, mogwera, ka mehla ke tlogelela seo go motho.

²⁷ Elelwang, ga ke tsebe . . . Go na le yo motee yo ke mo tsebago yo a e ngwadilego, yeo ke ye thwi fa, gomme monna o e neetše go nna ka boyena. Gomme yo mongwe o mpotšišitše potšišo morago kua ye ke swanetšego go e araba, gomme ga se ba tsoge ba e bea godimo ga pampiri, gomme ke rile, “Ge nka ba le nako ya go lekanel ka morago ga tše fa ke tla e araba.”

²⁸ Eupša bjale ye fa, “A ke swanetše . . . A ke be . . .”

Ke kolobeditšwe ka lesometharo. A ke tla kolobetšwa gape?

²⁹ Ge o be o le Mokriste nako ye yohle, go tloga mola o bego o le mengwaga ye lesometharo ka bokgale, modumedi ka go Kriste, ke—ke tla no dula boka o le. Nka se ke bjale, ge Modimo a go šegofaditše le go go fa Moya wo Mokgethwa ge e sa le nako yela.

³⁰ Gomme kolobetšo e no ba se—se—se sebopego, e no ba go—go laetša lefase (goba phuthego yeo o—o lego le yona nakong yeo) yeo wena, pele ga dihlatse, o netefatša gore o dumetše gore Modimo o rometše Morwa wa Gagwe gomme O hwile le go tsoga gape ka letšatši la boraro, gomme o bolokilwe ka go Yena gomme o tsogile go sepela bosweng bja bophelo. Gomme bona batho ba go swana bao ba go šetšego ge o be o kolobetšwa ba tla kopana le wena kua Kahlolong. O a bona?

³¹ Gomme gona go bapa, ge yo mongwe (mosetsebjie) a re, “A o be?”

³² “Ee, ke kolobeditšwe ka wa ka . . . go lehu la Morena wa ka le poloko.”

³³ O a bona, ke nagana gore kolobetšo . . . Oo, ke re e bohlokwa, nka se nyake go re ga e bohlokwa. Eupša go bohlokwa ka gobane go . . . Taelo ye nngwe le ye nngwe ya Modimo e bohlokwa. A ga le nagane bjalo? Go bohlokwa gore re swanetše go kolobetšwa. Jesu o fa setatamente se ka go Mokgethwa Mateo, goba Mokgethwa Mareka 16, O rile, “Eyang ka go lefase lohle gomme le rere Ebangedi, yo a dumelago gomme a kolobetšwa o tla phološwa.”

Gomme ge A be a bolela le Nikodemo, O rile, “Ntle le ge motho a tswalwa ka meetse le Moya a ka se ke ka mokgwa ofe a tsena.” Le a bona? Go swanetše go kolobetšwa. Ke dumela ka go gokarabetša, ka kolobetšong, Leineng la Morena Jesu Kriste, le go tsošwa gape ka bosweng bja bophelo, go sepela ka morago ga Melao ya Modimo.

³⁴ Eupša, o re, “Ngwanešu Bill, a o kile wa kolobetša yo mongwe gape, yo a kolobeditšwego ge ba be ba le moisa yo monnyane gomme morago ba kolobetšwagape?” Makga a mantši.

³⁵ Go—go na le Lengwalo godimo ka go Kutollo, tema ya 2, le bolela le kereke, O rile, “Sokologang gomme le dire mediro ya lena ya mathomo gape.” Gomme bontši bja bona ba hlatholla Lengwalo lela go bolela se, gore seo se ra gore o tla swanelia go ya morago le go dira selo sa go swana godimo. Gabotse, ge o ka hlokomela, morategi mogwera wa Mokriste . . .

³⁶ Bjale, ga ke ganetšane le se bjale, le a bona, gobane re ne bokolobetšo bo tladišwe. Re komana go kolobetša mang kapa mang yo a nyakago go kolobetšwa nako efe kapa efe. Eupša ga re ganetše. Ge le nyaka go kolobetšwa, ge seo e le se sengwe seo se emego ka tseleng ya gago gomme o ikwela gore o swanetše go ba, eya o se dire. Yeo ke nnete. O ya go e dira. O se dumelele selo go ema tseleng ya gago, o itira wenamong go hlaka ka phethagalo.

³⁷ Go no swana le ge—ge o tšere se sengwe, mengwaga ya go feta, gomme o ikwela gore o swanetše go ya go lokiša seo, o ya go se lokiša. Ga go kgathale se e lego. O boloka se sengwe le se sengwe pepeneneng. Ka gore o tla tla godimo go selo seo, gomme o ka se kgone go ya bokgole bjo bo itšego go fihla o hwetša seo ka ntle ga tsela, le a bona. O swanetše go no beela thoko boima bjo bongwe le bjo bongwe le selo seo se go nyamišago gabonolo.

³⁸ Gomme ge le nyaka go kolobetšwa gape, eyang pele, seo ke selo go se dira. Ke kolobeditše ba bantši gape.

³⁹ Eupša bjale go Lengwalo lela o bolelagoo ka lona, leo le bego le sa bolele le motho ka motho, seo e be e le go kereke. Le a bona, kereke, se ba se dirilego, ba lahlegetšwe ke lerato la bona la mathomo, le a bona, lebbebe la kgontha leo ba bilego le lona mo mathomong. Gomme O rile, “Ntle le ge le sokologa le go dira mediro ye ya mathomo gape,” thomang thwi morago le go hwetša selo. O bolela le kereke, “Ntle le ge o sokologa le go ya morago gape,” gabotse, gona, O be a eya go šuthiša sehlomakerese.

⁴⁰ Eupša ge o nyaka go kolobetšwa, gomme o kolobeditšwe ge o be o le lesometharo, goba e ka ba lebaka lefe, gabaneng, o—o kolobetšwe ge go le tseleng ya gago.

⁴¹ Eupša bjale go bolela gore ka Mangwalo nka kgona go bolela gore le swanetše go kolobetšwa gape, go na le tsela e tee feela ya Lengwalo yeo nka kgonago—kgonago go bega gore batho ba kolobeditšwegape. Go na le Lengwalo le tee feela ka go Beibele

yohle gore batho ba ile ba kolobetšwagape, gomme bao e bile bale ba go kolobetšwa ke Johane Mokolobetši pele Moya wo Mokgethwa o etla. Paulo, ka go Ditiro 19:5, o ba boditše gore ba swanetše go kolobetšwagape gape Leineng la Jesu Kriste, gore ba amogele Moya wo Mokgethwa. Le a bona?

⁴² Bjale—bjale, ga la swanelo go kolobetšwa go amogela Moya wo Mokgethwa, gobane o ka amogela Moya wo Mokgethwa ge pelo ya gago e lokile. Le a bona? Ka gobane, go Ditiro 2, Petro o fa formula go—formula go “Sokologang, gomme le kolobetšwe Leineng la Jesu Kriste, gomme le tla amogela neo ya Moya wo Mokgethwa.” Eupša morago, ka go Ditiro 10:49, Modimo o retologile go dikologa le go fa Bantle kolobetšo ya Moya wo Mokgethwa pele ba ka tsoge ba kolobetšwa le neng. Le a bona? Kafao, le a bona, ke seemo sa pelo ya gago.

⁴³ Ka gona Petro o rile, “A re ka kgonia go thibela meetse, go boneng gore ba ba amogetše Moya wo Mokgethwa boka re bile le ona mo mathomong?” Le a bona? Kafao gona o—o ba phegeletše gore ba swanetše go kolobetšwa Leineng la Jesu Kriste.

⁴⁴ Ka gona Paulo, ka go Ditiro 19, o rile . . . Paulo, ge a fetile go kgabola mabopo a godingwana a Efeso, o hweditše barutiwa ba bangwe, gomme o rile go bona, “A le amogetše Moya wo Mokgethwa ge e sa le le dumetše?”

⁴⁵ Ba rile, “Ga re tsebe ge eba . . . ga re tsebe ge eba go na le Moya wo Mokgethwa wo o itšego.”

O rile, “Le kolobeditše go efe?”

Ba be ba le. Ba rile, “Re kolobeditše go Johane.”

⁴⁶ O rile, “Johane o kolobeeditše go tshokologo, a bolela gore ‘Le swanetše go dumela go Yena wa go tla,’ bjalo ka go Morena Jesu Kriste.” Gomme ge ba kwele se, ba ile ba kolobetšwa gape Leineng la Jesu Kriste. Le a bona? Kafao gona yeo ke . . .

⁴⁷ Bjale, go ye, ke . . . Eupša go no bolela gore o kolobeditše ka kolobetšo ya Bokriste mo mengwageng ye lesometharo, gomme o phetše bophelo bja Bokriste tsela yohle go bapa, goba ge eba o kgelogile makga a se makae . . .

⁴⁸ Ga ke tsebe ge eba ba na le . . . go kgeloga, ga ke tsebe, duma yo mongwe a ka ya go botšiša—mpotšiša seo. Eupša go kgeloga, elelwang, le a kgeloga letšatši le lengwe le le lengwe. Ga go tsela le gannyane go lena go e efoga. Go lokile. Eupša o kgeloga go batho ka go ker . . . , eupša e sego pele ga Modimo. Le a bona? O kgeloga go Kriste, eupša ga o dire go Modimo, ‘gobane, ge o ka dira, ge o dira sebe, o ile. Eupša o wa kgafetšakgafetša. Paulo o ile a swanelo go hwa letšatši le lengwe le le lengwe. A yeo ke nnete? O ile a swanelwa ke go hwa letšatši le lengwe le le lengwe, a sokologe letšatši le lengwe le le lengwe, gomme feela kgafetšakgafetša a sokologa nako yohle. Le a bona? Gomme ge

Paulo a ile a swanelo go dira seo, gona ke ya go swanelo go dira, le nna. A ga la? Yeo ke nnene. Kafao re . . .

⁴⁹ Eupša bjale, ge—ge o ka be o bile ge o lopolotšwe gomme o ikwela gore ma—ma Madi a Jesu Kriste a go hlwekišitše go tšwa sebeng, gona ke—ke . . . gomme o phetše bophelo bja Bokriste, nka—nka se nagane go tla ba bohlokwa. Eupša ge o nyaka go, go lokile, go tla ba kaone, re tla thaba go e dira.

⁵⁰ Bjale noute ye nnyane še yeo yo mongwe a mphago morago kua:

9. Ke maemo afe kereke e tla bago ka go wona ge Ebangedi e boela go Bajuda?

⁵¹ Bjale, motho yo a dirilego se, o be a šupa mo go Luka, ba . . . O—o mpoditše, ngwanešu wa rena, gore o be a šupa go moo Le rilego, “Ba—ba Bantle ba tla gatakela maboto a Jerusalema go fihla lebaka la Bantle le tla fela.” Yeo ke ka go Luka 21:24. Bjale theetšang sekgauswi gomme ye e ka no e hwetša. Potšišo ye botse! Semaka!

*Gomme ge le tla bona Jerusalema e dikaneditšwe gohle
ke madira, gona tsebang gore tšhwatalanyo ya yona e
kgauswi.*

⁵² Bjale, a re swareng se kgauswi bjale. “Tšhwatalanyo e kgauswi ge le bona Jerusalema e dikaneditšwe gohle ke madira.” Bjale, seo e bile tlhakatlhakano ye ntši thwi fale, le batho ka go . . . Eupša e batamele go tšwa ntlheng ya boemo ya histori ka Beibele.

⁵³ Bjale, baena ba Advent, baena ba Seventh-day Adventist, ba dumela gore—gore Jerusalema gape e tla dikanetšwa ka madira. Gabotse, bjale, seo se ka ba therešo, gobane Lengwalo le ne tlhalošo gabedi makga a mantši.

⁵⁴ Gomme ke ba bakae ba tsebago gore Lengwalo le ne tlhalošo gabedi go seprofeto se sengwe le se sengwe? Kgonthe le a dira! Ee, mohlomphegi. E tla e bolela le go e ra feela tlwa go nako *ye*, le go retologa thwi go dikologa le go e bušeletša morago godimo *mo* felotsoko. Le a bona? Boka . . . Gomme ke tla bolela ka yo mongwe wa bona ge nka kgona go nagana ka yona thwi ka pela. Oo, ee, ye tee še ka go Luka . . . Ka go Mateo 2, e rile, “Gomme Jesu o bileditšwe ntle ga Egepeta gore go ke go phethagale se se boletšwego ke moprofeta, a re, ‘Nna . . . Ke biditše morwa wa Ka go tšwa Egepeta.’”

⁵⁵ Bjale, seprofeto sela, se šupa morago ka kua ka moprofeta, o be a šupa tlwa go *Israele* (e bego e le morwa wa Modimo) O biditše go tšwa ka Egepeta. Yeo ke nnene, ka go—ka go Genesi, Ekisodo. Eupša e—e be e šupa go—go fao, eupša e be e bušeletša gape. “Go tšwa go wa Gago . . .” *Israele* e be e le morwa wa Modimo. Le tseba seo. O biditše Farao, a re, “Wena . . .” A bolela gore “Wena—wena . . .” se a se dirilego go morwa wa Gagwe, gore O

tla tsea bophelo... A ka se tlogele morwa wa Gagwe a sepela, kafao Farao... Modimo o tsere morwa wa Farao go tloga... gomme... goba morongwa wa lehu bosegong bjoo. Kafao ke tlhalošo gabedi.

⁵⁶ Gomme kafao, bjale, bjalo ka Jerusalema, e dikaneditšwe gohle ke madira, eupša, ka kgontha, ka histori, yeo e bile nakong ya e ka ba A.D. 96 ge Tito a hlasetše Jerusalema. Eupša bjale šetšang se sekgauswi, le ka bona phapano, ke a dumela gore Jerusalema e tla dikanetšwa gohle ka madira gape nakong ya bofelo. Eupša ke a dumela se mo se be se bapetša le ge Tito a e hlasetše, ge tšhwatalanyo ya yona.

⁵⁷ Bjale, “Tšhwatalanyo,” go bolela... e bile ge Daniele, moprofeta... “a eme lefelong le Lekgethwa.” Hlokomelang, o rile, “Ge le bona makgapha a a dirago tšhwatalanyo a eme ka lefelong le Lekgethwa.” Le a bona, “makgapa,” *makgapha* ke “ditšila.” “Seo se dira tšhwatalanyo,” *šwalalanya* ke go “fediša,” ke go “senya.” “Ge le bona makgapha ao a dirago tšhwatalanyo a eme ka lefelong le Lekgethwa,” ka lengwalo e phethagaditšwe ge Tito a dikaneditše Jerusalema, o tsere...

⁵⁸ Mathomong a tema ye moo ba bego ba Mmotšiša, “Nako ya bofelo e tla ba neng? Gomme maswao a go tla ga... a Kriste e tla ba eng?” Gomme ba Mmoditše ka ga tempele, ka fao e bilego, ka fao e ilego ya tšhepišwa gabotse ka matlapa a magolo le dilo.

⁵⁹ O rile, “Go tla tla nako mo ebile go ka se bego letlapa le tee le tlogetšwego godimo ga le lengwe, gore ye e tla phušulwa.” O thoma go ba fa maswao le dimaka. Ka gona, Jesu o a bolela bjale, o retologela go Daniele bjale, go phethagatša, gobane seprofeto sohle se swanetše go nyalelana seng sa sona. Lengwalo ka moka ga le robege felo.

⁶⁰ Jesu o rile, “Mangwalo a ka se kgone go robja.” Amene. Gomme fao... A ke ya Legodimong? Nnete, ke nna! Mangwalo a ka se kgone go robja. Go lena ba le sa dumelego ka go maswao le mehlolo le dimaka, le ka kgona bjang go tloga kgole le Lengwalo lela? Mangwalo a ka se kgone go robja, go no swana le ge Kriste a kgona (godimo mo godimo), go kgona go tlogelwa. Feela bjalo ka ge mmele wa Gagwe wo mogolo godimo, le mosepelo wo mongwe le wo mongwe wa mmele wa Gagwe o bonagatša tshepelo tlase mo lefaseng, e tlemega go ba. Gona ge Kriste... ge ya lena... phodišo Kgethwa, maatla a Modimo a tšerwe go tšwa kerekeng ya kgontha, goba kereke ya semoya mo lefaseng, gona a tšerwe go tšwa go Kriste. Yena ga a sa...

⁶¹ Eupša, oo, a seswantšho sa Morara wa therešo fale, gomme rena re makala ka go Morara wola. Le a bona? Feela ge Morara o sepela, makala a sepela bjalo. A yeo ke nnete? Go botse bjang gona ka mmele wa Gagwe wo mogolo, oo, matsogo a Gagwe a magolo a go tšwa madi le go tšholla megokgo, le mahlakore a Gagwe a go tšwa madi, le magetla a megogoma a Gagwe a

lekeletše godimo ga lefase ka mokgwa *wo* gare ga Modimo (Tate) le ba hwago ba lefase le, a phophotha le go ba rata feela ge mmele wa Gagwe o etla ka go mosepelo le maatla, o fiwa ka Kerekeng.

⁶² Feela bjalo ka ge A boletše, “Ke tla šuthiša diatla tša ka ta tsela ye,” gomme mmele wa Gagwe wa tlhago o a sepela. “Eyang mo gomme le rere Ebangedi,” le tla bona Kereke yela e sepela thwi go otlologa. Ka gobane, morithi wa ka o swanetše go sepela le seatla sa ka. Amene. A yeo ke nnete? Amene. Oo, nna, ge ke nagana ka seo! Šeo yona, Mmele wa Gagwe o a sepela, “Eyang lena ka lefaseng lohle, bonagatšang Maatla.” Ga go kgathale ge re ka kitima go thutamodimo le dithuto tša rena le go ya pele ka mokgwa woo, re šitwa gabohloko. Eupša bjale seatla sa Modimo se a sepela, maswao le dimaka di a tšwelela. Gobaneng, nna!

⁶³ Jesu o rile, tlase kua ge A be a lelekela bodiabolo ntle... E sego go tlogela potšišo ye, bjale, feela nakwana. Eupša Jesu o rile, ge A be a lelekela bodiabolo ntle, O rile, “Barwa ba lena ba ba lelekela ntle ka mang? Ge Nna ka monwana wa Modimo ke lelekela bodiabolo ntle, barwa ba lena ba ba lelekela ntle ka mang? Ge le na le pholisi ye kaonana, re laetšeng.” Le a bona? “Ge Nna ka monwana wa Modimo...” Amene. E no nagana, “monwana” wa Modimo. Go na le Modimo ka godimo ga Kriste; Kriste ka godimo ga kereke. Modimo šole, Tate, o bolela selo se *rilegorilego*; morago Modimo, Morwa, o tloša seatla sa Gagwe gomme moriti o a se latela. “Ge ka monwana wa Modimo Ke lelekela bodiabolo ntle, barwa ba lena ba ba lelekela ntle ka mang?”

⁶⁴ Lebelelang, ke nyaka le hlokomele. Oo, ga go kgathale bolwetši bo bogolo gakaakang goba tlaišo ke ye ntši gakaakang diabolo a ka kgonago go e bea godimo, go no tsea monwana wa Gagwe go e tloša. Oo, nna! Nna! Lebelela ona magetla a magolo a go tia le matsogo le digobagoba. Feela monwana wa Gagwe o tloša bolwetši bjo bongwe le bjo bongwe le go lelekela bodiabolo ntle. Gomme a selo se sennyane diabolo a lego sona! O no tsea monwana wa Gagwe gomme a mo tloša nako yeo. “Ge Nna ka monwana wa Modimo...”

⁶⁵ Bjale a nke ke le bontšhe lerato tsoko la Modimo. Eupša ge nku e lahlegile, ga se nke A šomiša monwana wa Gagwe, O mmeile godimo ga magetla a Gagwe, gomme O tšere Sephedi sa Gagwe ka moka, diatla, nku go dikologa legetla la Gagwe. Ye maatlamaatla kudu, karolo ye maatla kudukudu ya motho ke go kgabaganya magetla a gagwe le mokokotlo. Le tseba seo. Ka gore tšohle digoba tša letsogo le digoba tša Gagwe di tšwela ntle, gomme O tsea nku ka moka; a Mmee godimo ga legetla la Gagwe gomme šo O a tla, e sego ka monwana wa Gagwe, go lelekela ntle yo monnyane, diabolo wa kgale, eupša šo O tla le ya Gagwe... digoba tšohle tša leoto la Gagwe, digoba tšohle tša letsogo la Gagwe, a sepela go kgabola lešoka, a swere nku ye e lahlegilego legetleng la Gagwe. Oo, nna! “Ge ka monwana wa

Modimo Ke lelekela bodiabolo ntle, barwa ba lena ba ba lelekela ntle ka mang?" Oo, haleluya! Nna!

⁶⁶ Go lokile, morago go thuto:

Eupša ge le . . . bona Jerusalema e dikaneditswe gohle ke madira, . . .

Gona a nke bona ba lego Judea ba tshabele ka dithabeng; gomme a nke bona ba lego ka gare ga yona ba se ye ntle; gomme a nke . . . bona ba ba lego ka dinageng ba tsena . . . ka gare.

Gobane a e tla ba matšatši a—a tefeletšo, gore dilo tšohle tše di ngwadilwego di ke di phethagatšwe.

Eupša madimabe go bona ba imilego, le bona bao ba amušago, mo matšatšing ao! ka gore go tla ba tlalelo ye kgolo ka nageng, le bogale godimo ga batho.

Gomme ba tla wa ka ntlha ya tšoša, gomme ba tla išwa bothopša go ditšhaba tšohle: . . .

⁶⁷ Hlokometlang ka fao go lego botse fa Lengwalo go e dira ya go itlhaola. Selo sa pele, "Ka ntlha ya ditšoša." Ye ya mafelelo e tla ba ka pomo ya athomo. Le a bona? Eupša ye ke ka ntlha ya tšoša, gomme Bajuda ba be ba tla išwa bothopša go ditšhaba tšohle. Go ka se tsoge gwa ba ka tsela yeo gape, ba tla kgobelwa ka Palestina lekga la mafelelo. Le a bona? Le le be le bolela ka matšatši ao a fetilego. Gomme seo e no ba tlwa go ya ka histori, se diregile feela ka tsela yeo.

⁶⁸ Ba be ba hlahletšwe go ya ka ditšhabeng tšohle. Setšhaba se sengwe le se sengwe ka tlase ga Legodimo lehono, o hwetša Bajuda. Oo, setšhaba se sengwe le se sengwe! O ya China, gomme o hwetša Bajuda. O ya Russia, o hwetša Bajuda. Eya dihlakahlahkeng tše nnyane, o hwetša Bajuda. Ba šwalalane magareng ga setšhaba se sengwe le se sengwe! Ke eng? Seprofeto sa Modimo. Modimo o se breakantše. Gomme Bajuda bale ke dika, ngwanešu. Ge o ba bona . . .

⁶⁹ Ke a tseba ba foufetše le go išwa kgole, le go fora le se sengwe le se sengwe, eupša ba forilwe ke Modimo gore wena le nna re be le go bona. Yeo ke nnete. Eupša ke tla bolela se ka moywa seprofeto, ka Beibebe, gore, iri ya Mojuda go boela gae e batametše. Ee, mohlomphegi. O thatafaditše pelo ya Hitler, a ba ntšha ka Jeremane; a thatafatša pelo ya Mussolini, a ba raka go tšwa Russia. O ba gapa go tloga mogohle, boka A dirile mo matšatšing ge A ba tlišitše ntle. Gomme ka gona ge ba tšwetše ntle ka lešokeng kua gomme ba be ba loketše go kgabaganyetša mošola, go diregile eng? Modimo o etetše naga ka dikotlo tše kgolo le dilo. Ye A tla e bušeletšago gape ka bahlanka ba Gagwe ba babedi, mehlare ye mebedi ya mehlware ya Hesekiele gomme gape le ya Kutollo 11. O tla bušeletša maswao ao le dimaka.

⁷⁰ Lebelelang bona dihlatse tše pedi ka go Kutollo 11, “Ke tla fa maatla go dihlatse tša Ka, gomme ba tla tswalela magodimo mo matšatšing a seprofeto sa bona, goba go romela dikotlo godimo ga lefase bjalo ka ge ba rata.” Ke lena bao, dihlatse tše pedi mo matšatšing a mafelelo.

⁷¹ Ke a tseba thuto ya sebjalebjale ke gore “Yeo ke Testamente ya Kgale le ye Mpsha.” Yeo ke phošo! Yeo ke phošo!

⁷² Ga se dihlatse tše pedi, tše ka go felela e lego go bowa ga Moshe le Eliya. Gomme le a hlokomela morago kua, ga go le yo motee wa bona . . . Moshe, o hwile, eupša o ile kae? O ile a swanelwa ke go tsoga gape. Gomme Eliya o ile a fetolelwa ebile ntle le lehu. O tla swanelwa ke go hwa, ka baka la gore yo mongwe le yo mongwe wa ba hwago o swanetše go dira, kafao o tla swanela go boela morago gape. Gomme dihlatse tše pedi šedi.

⁷³ Bjale šetšang:

Gomme ba tla gatakela . . . Gomme ba tla wa ka ntłha ya tšoša, . . . (temana ya 24) . . . ya tšoša, gomme bohle ba tla išwa bothopša ka ditšhabeng tšohle: gomme Jerusalema e tla gatakelwa ke Bantle, go fihla . . . (Amene!) . . . go fihla nako ya Bantle e phethagaditšwe.

⁷⁴ Go a tšoša, a ga se yona, go tseba gore re ne nako ye e lekanyeditšwego? Modimo o boletše bjalo! Lebaka la Bantle le tsentšitšwe ka Kgoši Nebukadinetsara. Oo, go kgahiliša bjang! Ke nako ye kae nka e fetšago go se, feela lebaka la metsotso e se mekae! Eupša hlokomelang, yo mongwe le yo mongwe o nyaka potšišo ya bona. Eupša, ge re sa le go ye, a re naganeng ka yona, gobane go bohlokwa kudu bjale, thwi *bjale*.

⁷⁵ Lebelelang! Modimo o hlahlile batho, ba Bajuda. Ga se nke ba ke ba ba setšhaba, ba be ba no ba batho. Gomme ga se nke ba ke ba ba kereke ye e kgatlofaditšwego, ba be ba no *ba* kereke e bileditšwego ntle. Ga se gwa ke gwa ba mokgatlo magareng ga Bajuda, ka mehla ba be ba hlahlwa ke Modimo.

⁷⁶ Ka gona ge ka sepolitiki, ka setšhabeng, ba be ba nyaka go ba . . . go ba le kgoši. Gomme Modimo o ba file kgoši gomme ga se nke ya ke ya šoma. Modimo ke Kgoši ya bona. Modimo ke Kgoši ya rena, yeo ke nnete, gomme Modimo ke Kgoši ya Kereke.

⁷⁷ Bjale, hlokomelang nako yeo ge ba be ba swerwe le go rwalelwa kgole ka Babilonia ka gore ba lekile go ekiša ditšhaba tša lefase. A seswantšho se sebotse lehono sa kereke e lekago go ekiša lefase ntle mošola, le go rwalelwa kgole, ba išwa kgole ka mophelelo wa bona—wa bona. Kereke e phela feela go swana boka lefase le dira, e ya pele, e dira feela boka lona, le se sengwe le se sengwe gape, gomme e teleleima go ba Kereke. O ka se kgone go dira seo. Aowa, mohlomphegi. Bjona bophelo bja gago bo netefatša se o lego sona.

⁷⁸ Se o lego... Bjalo ka ge ke boletše mathomong, se o lego felotsoko gape ke se o se bonagatšago fa. Se o lego, se mmele wa gago wa legodimo goba mmele wa lefase o lego godimo mošola, se mmele wa gago wa legodimo o lego felotsoko gape ke se o se bonagatšago morago fa. Ka nageng ya moyo, se o lego sona, ke se o lego mo. Ge o sa na le monagano wa mahlapa le go ya pele ka nageng ya moyo, o na le monagano wa mahlapa mo. Ge o sa na le motsoto, tumo, le dikgogakgogano, o ka go naga ya moyo ka seo, e bonagatša morago mo. Eupša ge bowena bja gago ka moka bo hlwekištwe le go hlwekišwa, go laetša gore o na le mmele ntle mošola (o letile) wo o hlwekištswego le go hlwekišwa, gomme o obeletša morago ka nameng. A ga le bone? Le a bona, šele yona. "Ge tabarenenekele ye ya lefase e phušoga, re na le ye nngwe e šetšego e letile." Le a bona?

⁷⁹ Bjale, ka go nako ye, nako ya bofelo, kafao papetšo ye ya senama, dikekišo tša Bokriste tšohle di tla tswakana godimo ka go Babilonia e tee ye kgolo feela boka e dirile morago fale. Gomme ba rwaletšwe kgole ka Babilonia. A yeo ke nnete? Gomme Beibele e rile, "Morongwa wa Morena o biditše le go re, 'Etšwang ka Babilonia, batho ba Ka!'"

⁸⁰ Kgakanego! Ye, "Ke nna Mobaptist. Ke nna Momethodist. Ke nna Mopresbyterian," tšohle tšeо di no go ba tlhakahlakano. Ga go phološo ka go yona le gannyane.

⁸¹ Bjale, le se ke la bolela gore ke re batho ba Baptist ga ba na phološo, batho ba Methodist. Ga ke bolela ka seo. Ke bolela ka kereke le maatla a yona a sepolitiki, ke dipolitiki. Gomme go boleleng ka sepolitiki, gobane o Momethodist, goba Mobaptist, goba Mopresbyterian, goba Mokatoliki, ga go na le selo go dira le Lona. Modimo ebile ga a e lemoge, gomme e ka Babilonia lehono. Gomme Modimo o biletša ntle Kereke go tšwa go tšona tšohle, a gogela ntle basekegi ka pelong, a dira Kereke ya Gagwe. E botse bjang!

⁸² Gomme hlokamelang, nka bolela se sengwe fa seo se tlaggo go tšoša, eupša ge—ge eba ke... Theetšang, bjale. Šetšang ka fao Babilonia... Se se diregilego ka go...ka—ka Babilonia, ge kgapeletšo e be e tlišwa godimo go barapedi ba therešo. Elelwang, feela ba bannyane ba go tlala seatla, Sadirake, Mesake, le Abedinego, le Daniele, ba—ba barapedi ba therešo bao ba ilego tlase ka bothopša, ge Modimo a ba bileditše go—go laetša ka kgonthe mebala ya bona, se ba bego ba le sona. Ba be ba gapeletšwa ka go borapedi bja modingwana wa seswantšho. A seo ke therešo? Bodumedi bja medimo ya diswantšho! Ba be ba gapeletšwa go rapela modingwana wa seswantšho, gomme ba ile ba swanela ke go khunama pele ga modingwana wa seswantšho. Gomme ge ba se ba e dira, ba ile ba tlaišwa.

⁸³ Oo, a seswantšho o ka kgonago go se goga go tšwa go Daniele, Kutollo, go tlemaganya tšela mmogo le go bontšha ka Lengwalo

gore Kereke e tla ka go mohuta wa go swana wa tlhomaro pele A biletšwa ntle. Ke ka tsela yeo Kereke ya Bantle e tlišitšwego, yeo ke tsela ye Kereke ya Bantle e tla tšeelwago ntle. Bjalo ka ge a etla ka gare o tla ya bjalo.

⁸⁴ Gomme lebelelang ka fao a bonego seswantšho. Gomme bjale, elelwang, seswantšho...Bjale, le ke lefelo la gae bjale. Lebelelang, ke a dumela gore seswantšho se Kgoši Nebukadinetsara a se dirilego e be e le sa Daniele, monna yo mokgethwa. Ge le ka hlokomela, Kgoši Nebukadinetsara o be a šetše a biditše Daniele, o mmiditše “Belesatsara” (e bego e le modingwana wa gagwe wa seswantšho), gomme o dirile—o dirile seswantšho, gomme ga go yo motee morago ga ge Daniele a lahletšwe ka gare ga legolo le la ditau, le go ya pele, gomme o rile, “Ga go yo a swanetšego go direla badimo ba bangwe e ka ba bafe, le go ya pele, eupša Modimo wa Daniele.” Go molaleng gore e be e le seswantšho sa monna yo mokgethwa, sehlwaseeme se segolo, gomme yo mongwe le yo mongwe o be a swanetše go kwatama fase go se.

⁸⁵ Eupša Kereke, Sadirake, le Messake, le Abedinego... Daniele ka go ba moetapele, bjalo ka ge Kriste e le Moetapele wa Kereke.

⁸⁶ Gomme ba be ba swanetše go khunama pele ga seswantšho se le go rapela seswantšho. Hlokamelang! Gomme le hlokomele, ka dinakong tseo, Daniele o be a homotše. Amene! Oo, gomme ke a holofela le hwetša se. Daniele o be a homotše. A ba dumelela... ba ile ba swanela go dira kgetho ya bona beng.

⁸⁷ Ka letšatšing...ka go yeng ntle ga lebaka la Bantle, go tla ba le seswantšho, gomme yo mongwe le yo mongwe o tla swanela go khunama pele ga seswantšho se le go rapela. Le ge e le ye kgethwa bjalo ka mehleng, ga la swanela go rapela seswantšho (go rapela seswantšho).

⁸⁸ Bjale, hlokamelang. Oo, nna! Thwi mo bofelong, Daniele o gateka ka gare gape. Go kgahliša bjang! Bošegong bjola pele ga mokete wo mogolo wa metlabo le go ya pele, fale go tla Seatla se ngwala mo lebotong, “MENE, MENE, TEKEL, UPHARSIN,” go kgabaganya leboto. Gomme tlhathollo, ga go yo a bego a ka kgona go e fa, e be e ngwadilwe ka maleme a šele. Ga go yo a bego a ka kgona go E hlatholla.

⁸⁹ Ba ile gomme ba hwetša dirutegi tša bona tše kaonekaone. Ba rile, “Ga re tsebe.”

⁹⁰ Ba ile gomme ba hwetša babolelamahlatse le baithutadinaledi bohole. “Ga re tsebe. Ga re tsebe selo ka Lona. Ga se nke ra ke ra bona leleme le le bjalo, ga se nke ra tsoge ra kwa le bjalo bophelong bja rena.”

⁹¹ Eupša go be go le monna! Modimo o bile le monna wa Gagwe, Daniele o be a le fao. O rile, “Eyang go mo tše,” o rile, “gobane Moya wa Modimo o phela ka go yena.”

⁹² Kafao Daniele o tlie godimo kua, a thoma go bala le go hlatholla leleme lela lebotong, gomme o file... Tlhathollo e be e le eng? E sego, “Oo, o wa lehlogenolo wena, O kgoši, phela neng le neng.” Eupša ka ya go se apewe, ya boyo, kgano ya pepeneneng ya gagwe, o rile, “O etšwe mo sekaleng gomme wa hwetšwa o hlaetša.”

⁹³ Lebelelang, yeo ke tsela ya go swana. Bjalo ka ge yela ya Kagodimogathago e tlišitše mmušo wa Bantle, kafao ya Kagodimogatlago e ntšhetša ntle ye ya Bantle. Mmušo o be o tsentšhitšwe ka gare ke ya Kagodimogatlago, o ya ntle ka ya Kagodimogatlago. Maboto a Jerusalema a tla gatakelwa, go tla ba... go tla... “Bantle ba tla ba beng ba yona go fihla lebaka la Bantle le fedile.” Morago Modimo o boela go Mojuda. Amene! Oo, nna!

⁹⁴ Oo, bagwera, ke duma ge re ka kgona go hwetša seo thwi tlase gabotse. A ga le? Re be le e ka ba beke go thuto ye tee yela, le a bona, gore re kgone go e puruputša moka go kgabola Lengwalo.

⁹⁵ Gore, šetšang, theetšang—theetšang kgauswi bjale se A se boletšego. “Jerusalema e tla gatakelwa ke Bantle go fihla nako ya Bantle e fedile.” Thakelelo ya—ya Tito, morago go tla ka gare, e tšere Jerusalema. O rile, “Bjale—bjale, le kwele ka ga makgapha ao a dirago tšhwalalanyo?”

“Ya.”

“Gabotse, ke ge Bantle ba etla ka gare.”

“Ya, re kwešiša seo,” go boletše barutiwa.

“Bjale, Bantle ba bile le mmušo wa bona bjale.”

“Kgonthe.”

⁹⁶ “Jerusalema ka tlase ga mmušo wa Bantle nako yeo?” Ee, mohlomphegi! Baroma. Ba be ba sa ne mmušo ka—ka Jerusalema. Gomme e thomile morago mošola ka makgapha ao a dirago tšhwalalanyo yeo Daniele a boletšego ka yona.

⁹⁷ Bjale O rile, “Nako yeo e kgaušwi le go batamela, ka gore ba ya go kgeilela fase tempele ye gomme ba bee godimo Moslem wa Omar, o ya go ema lefelong la go swana mo, Bomohammedan, Bantle. Gomme e ya go ema kua.”

⁹⁸ *Montle* go ra “mosedumele.” Yeo e be e se Kereke, bjale. Yoo e be e le Montle, le a bona, mosedumele. Bjale, gomme yeo e tla ema go fihla lebaka la Bantle le tla fela. Gona ge lebaka la Bantle le fedile, Mokgoma yo mogolo o ya go emela batho (Kriste ke mang) mo nakong ya bofelo.

⁹⁹ “O tlie go Yena,” ka go Daniele, “Yoo moriri wa gagwe e be e le wo mošweu bjalo ka boyo,” boka re Mmone ka go Kutollo 1, “go Motala wa nako. Gomme Kahlolo ya bewa gomme Dipuku tša bulwa. Dipuku” (bontši) “di ile tša bulwa gomme motho yo mongwe le yo mongwe o ahlotšwe go tšwa Dipukung, dilo di

be di ngwadilwe ka fao.” Lebelelang, Dipuku di ile tša bulwa, “O Mmone a etla, gomme dikete tše lesome atiša ka dikete tše lesome ba Mo hlanketše.” Bakgethwa ba tla le Yena. A yeo ke nnene, ka go Daniele? “Gomme Dipuku di ile tša bulwa,” yeo ke Puku ya bophelo bja gago, “gomme motho yo mongwe le yo mongwe—gomme motho yo mongwe le yo mongwe o ahlotšwe bjalo, modiradibe, a ahlolwa bjalo. Gomme Puku ye nngwe e ile ya bulwa,” e bego e le Puku ya Bophelo, “gomme motho yo mongwe le yo mongwe o ahlotšwe.”

¹⁰⁰ Bjale hlokomelang, ka mehla elelwang, e rwaleng ka *boraro*. Ge o sa dire, ka kgonthe o a hlakahlakana. Go be go le magoro a mararo a batho a tswalwa lefaseng; go be go ne magoro a mararo mo mathomong; go tla ba magoro a mararo bofelong. Eng . . .

¹⁰¹ Jesu o boile le dikete tše lesome atiša ka dikete tše lesome, ba Mo direla. Le elelwa yena a re, “A ga se selo se sennyane go lena go tšea . . . goba selo sa go se hlamatsege go iša taba ya gago le mathata a gago go molao, ge le sa tsebe gore Bakgethwa ba tla ahlola lefase?” Bakgethwa ba ahlola lefase! Haleluya! Ke nagana ka seo, nna! Go Mmona a etla, mošola, le bahlatswiwa ka Madi, morago ga Mileniamo, topollo le balopollwa ba mabaka ohle ba eme ka Bogoneng bja Gagwe. Monyalwa mohlatswiwa ke Madi!

¹⁰² E sego feelsa bao ba lego batho ba go loka, ka nnene ba hlaelelw tsogo ya pele. Beibele e rile, “Gomme bahu ka moka ga se ba phela go fihla mengwaga ye sekete e fedile.” A yeo ke nnene? Bao ke bale ba biley le maina a bona a ngwadilwe ka go Puku ya Kwana ya Bophelo eupša ba ganne kolobetšo ya Moya wo Mokgethwa.

¹⁰³ Ke feelsa Bakgethiwa ba yago ka go nako yeo. Ke feelsa Bakgethiwa ba tšeago mi—mi—mi Mileniamo. Oo, gona, ngwanesu, ke mohuta ofe wa batho re swanetšego go ba? Ke nyaka go phela go kgabola Mileniamo! A re beeleng thoko boima bjo bongwe le bjo bongwe le sebe seo se re nyamišago gabonolo. Ge moisa a bolela se sengwe sa phošo goba a dira se sengwe ka tsela *ye*, mo rapelele gomme o tšwelepele o eya pele. A nke maikemišetšo a gago a bewe go ya go Modimo. Ge eba ga go motho yo mongwe gape a atlegago, wena atlega! Ka gore go ya go ba Bakgethiwa ba ba yago go phela go kgabola Lebaka la Mileniamo gomme ba tla ya ka gare le ka ntle le Kriste lebaka la mengwaga ye sekete, gomme morago ba tla ya godimo ka Letagong le Yena le go bowa gape. Ge tsogo ya ba babe e tlišwa pele, gona Mileniamo o tla dula . . . Ka morago ga ge Mileniamo o fedile, gona Kriste o tla rotoga le Kereke, gomme mo bofelong bja mengwaga ye sekete O tla bowa le Kereke.

¹⁰⁴ Kriste o tla makga a mararo. Lekga la mathomo, O tlide go *lopolla* Kereke ya Gagwe. A yeo ke nnene? Lekga la bobedi, O tla go *amogela* Kereke ya Gagwe. Lekga la boraro, O tla le Kereke ya Gagwe. Le a bona? O tla go Mo *lopolla*; O tla go Mo *hlatloša* le go

ubulelwa kgole, ka nako ya dikotlo le go ya pele; o bowa morago bakeng sa *Mileniamo*, o phela go kgabola Mileniamo.

¹⁰⁵ Gomme morago Kgoši le Kgošigadi ye kgolo e tla tlase bakeng sa Kahlolo. Terone ye Tšhweu ya Kahlolo e beilwe gomme Dipuku di butšwe. Gomme fao go eme balopollwa, Kereke ya Modimo yo a Phelago ye e tswetšwego ke Moya wo Mokgethwa, e eme kua ka botse bja Gagwe go ahlola. “Dipuku di ile tša bulwa, kahlolo e be e beilwe gomme motho yo mongwe le yo mongwe o ahlotswe bjalo,” yoo e be e le modiradibe. “Gomme Puku ye nngwe ya bulwa,” e sego bakeng sa Monyalwa wa Moya wo Mokgethwa, a ka se tsoge a e tšeа gobane O ka go Tlhatlogo.

¹⁰⁶ Ge o tladitšwe ka Moya wo Mokgethwa mosong wo, gomme maatla a Modimo a sepela ka go tlhale ye nngwe le ye nngwe ya mmele wa gago, ke botse bofe go tla go direlago go ema ka Kahlolong? O šetše o ahlotswe, gomme o amogetšwe, le go tlatšwa, gomme o šetše—o šetše a fetoletšwe ka go mafelo a Magodimong le Kriste Jesu. E sego o *tla ba*, bjale o a dira, thwi bjale o fetoletšwe!

¹⁰⁷ “Bao A ba biditšego, O ba lokafaditše; bao A ba lokafaditšego, O ba tagafaditše.” Gomme motho yo mongwe le yo mongwe a lopolotšwego ka lefaseng mosong wo, yoo a lego ka tlase ga Madi a Jesu Kriste, o tladitšwe ka Moya wo Mokgethwa, o ne Bophelo bjo bosafelego gomme ga a kgone go senyega, gomme o šetše a le ka mafelong a Magodimong le Kriste Jesu, gomme a ka se tsoge a tla ka kahlolong. O šetše a lopolotšwe! A seo ga se makatše? Le a bona? O šetše a lopolotšwe, o dutše mafelong a Legodimong bjale le Kriste, gomme ta—... setše a tagafaditswe, šetše a tagafaditšwe!

¹⁰⁸ O re, “Ngwanešu Bill, a Lengwalo le bolela seo?”

¹⁰⁹ Jesu o boletše seo, goba Lengwalo le bolela seo, goba bangwadi. Paulo, o rile, “Bao A ba lokafaditšego, O šetše a ba tagafaditše. Bao A ba beetšegopele, O ba kgethetšepelle; bao A ba kgethetšegopele, O ba lokafaditše; bao A ba lokafaditšego, O šetše a ba tagafaditše.” Ke eng? Oo, nna! (Ntshwareleng.) O šetše a tagafaditšwe! Gona ge re tladitšwe ka Moya wo Mokgethwa, ditlhale tša rena le diphedi di šetše di boloketšwe ka go Modimo, go na le mmele wa letago o šetše o letile, gomme o swanetše go ya go wona ka pela ge wo o fedile. Bao A ba lokafaditšego, O šetše a ba tagafaditše!

¹¹⁰ Se ke bego ke se bolela lebakana la go feta, nekethifi le phosithifi. Ke duma ge nkabe ke na le thuto go lekanela go tliša seo ntle le go se dira sa tlhaologanyo le go kwagala go lena, eupša ke no se kgone go e hwetša. Ke tseba se ke bolelagoo ka sona, eupša nka se kgone go e neela ka tsela ye ke nyakago.

¹¹¹ [Ga go selo lefelong la theipi—Mor.]... Lewatle le Lehubedu le dilo tšohle tše ba di beago ntle. Materiale o fao, Bajuda, ba go huma ka nnete, gona selo se se swanago se tla tšhilafatša kampa

ya bona gape. Ya! Ba tla tla thwi tlase, ditoropokgolo tša lefase. Russia e tla tla fase, ya re, “Re swanetše go no ba le dilo tše. Seo ke uraniamo le se sengwe le se sengwe tlase kua, re swanetše go ya go e hwetša.” Gomme ge ba eya tlase, gona go tla ba ntwa ya Haramagedone. Seo e tla ba ge Modimo a tla ema boka A dirile ka moeding bakeng sa bana ba Israele le go lwa gape. Eupša seo se tla direga go fihla lebaka la Bantle le tla fela. Gomme ge nako yeo e fedile, o ripilwe.

¹¹² [Ga go selo lefelong la theipi—Mor.] Bjale go kgopolu ya ka ya go kokobela, motho wa morategi yo a botšišitšego potšišo ye fa, go kgopolu ya ka ya go kokobela ka se:

10. Ke bomang ditšitširipa tše di bego di le ka matšatšing ale?

¹¹³ Bjale, Josephus fale . . . Nnete, ke a tseba, kereke ya renu, le no ba boka nna. Ke—ke nna morutwana wa kreiti ya bošupa gomme ga—ga ke tshwenyege ka thuto le dilo. Ke nagana gore ke sešitiši se segologolo kudu seo Ebangedi e kilego ya ba naso. Eupša go le bjalo, feela dinako tše dingwe, ke tsea puku goba tše pedi. Bjale, ditirišano tša ka le batho boka nnamong, bohole re no ba go mothalo wa go swana, re no ba batho ba tlwaelo. Gomme ke leboga kudu. Beibele e rile, “Batho ba go tlwaelega ba Mo kwele ka lethabo.” Botsebalegi, ka gona fao go be go le legoro le lengwe, eupša batho ba mehleng . . . E no ba mafapa a setlwaedi a batho boka re le, batho ba ba ratago Modimo gomme ga ba ne bontši bja lefase le, ba ne bana le malapa a bona, re rata Modimo le go rata go ya kerekeng, go fa di—di diaparo go tšwa mmeleng wa renu bakeng sa Mmušo wa Gagwe, e ka ba eng boka seo. Re a Mo rata, re tla dira e ka ba eng, bao ke batho ba tlwaelo ba ba Mo kwelego. Gomme go sa le tsela ya go swana lehono, batho ba tlwaelo ba Mo kwele ka lethabo.

¹¹⁴ Bjale, monna wa mohumi o na le bontši kudu bja lefase go nagana ka lona, le a bona. Gomme—gomme moisa wa kgonthe tlase fale yo o ka se dirego selo ka yena, go mothaladi wa go redimoga, o no se E fe šedi. Eupša feela batho ba go tlwaelega ba Mo kwele ka lethabo.

¹¹⁵ Gomme bjale ka go Josephus, dingwalwa tša gagwe, o rile . . . Bjale, tlthatollo ya gagwe še ya ba “barwa ba Modimo” bao ba tšerego barwedi ba motho. O boletše gore “Meoya ye e welego ye e bego e le lefaseng . . .”

¹¹⁶ Bjale, le a tseba . . . ka go Kutollo, tema ya 11, goba, ya 7, aowa, kgopela ya lena . . . tema ya 12 ya Kutollo, mosadi a eme ka letšatšing. “Trakone ye khubedu e beile mosela wa yona go rarela pedi tharong ya dinaledi gomme a di gogela lefaseng.” Re lemoga gore Sathane, mo mathomong, o hlomile mmušo ka dinagaleboa go ba wo mobotse kudu go feta se—go feta se Mikaele a bego a le sona, gomme go bile le . . . morago o thomile ntwa ka Legodimong. Gomme o gogile pedi tharong ya diphedi tša barongwa le yena. A yeo ke nnete?

¹¹⁷ Ke ka lebaka leo re no ba bonnyane. Ke ra le—le—le lehlakore... lehlakore le lennyane la batho mosong wo, ka go sekgao sa Bokriste, batho ba ba tswetšwego ka Moya wo Mokgethwa, gobane ba ka go ye—ye—ye nnyane karolo. Yeo ke nnete.

¹¹⁸ Gomme ge le šetša meboya yeo e rotogago go tšwa go Genesi gomme ya thoma go tsoga, šetšang yela ya maemo, thapelo ya maemo a godimo. E lebeleleng morago mošola ka go Kaine, e lebeleleng lehono. Go tla thwi fase ka gare, go sepelela pele tlase go kgabola go ya ka go Bafarisei. Gomme go na le dikgao tše pedi tša bona, Mofarisei le Mosadutsei. Le a bona, e sepelela thwi pele ntle, gomme e lebeleleng lehono ka go Bokatoliki le mesepelo ye megolo boka yeo, mafelo a magolo a mabotse.

¹¹⁹ Gabotse, lebelelang Abele ka kwana ye nnyane, le a bona, feela go tlwaelega. E lebeleleng ka matšatsing a Jesu. E lebeleleng tsela yohle go theoga Lengwalo ge le e sepediša, go boneng ka fao e lego. Re phela thwi tlase ka letšatšing leo gore ge Modimo a bileditše Kereke ya Gagwe tsela yohle go theoga. Mothal wo monnyane wola, mothalo wo monnyane wola wo mohubedu woo o tliego thwi tlase go kgabola Beibele, tsela yohle, ya batho ba go hlatswiwa ka Madi. Hlokomelang!

¹²⁰ Bjale, ba “barwa ba Modimo,” go kgopolu ya ka, e sego, ka kgonthe go se dumelane goba go leka go itshwara botswerere goba go bolela gore Josephus o be a sa tsebe se a bego a bolela ka sona, eupša o be a le monna boka ke le. Ga go kgathale o be a le serutegi se sekae gakaakang, o be a no ba motho. Gomme selo se nnoši a bilego le sona, o fatišištše mangwalo a kgale, le go ya pele ka mokgwa woo, le didišwa tša kgale, le go ya pele, eupša o be a se na le bontši go feta bjo re nago nabjo lehono, Moya wo Mokgethwa. Bjale, o be a no ya ka monagano wa tlhago.

¹²¹ Eupša re e tšea ka monagano wa semoya. Bale “barwa ba Modimo,” mola, gore ba be ba le diphedi tša barongwa. Ke a dumela ba bjalo. Gomme ke—ke a dumela gore...

¹²² Bjale, Josephus o boletše selo sa go swana, eupša o rile, “Ba ikgapeleditše bonabeng le go ikitela bonabeng ka nameng ya batho, gomme ba tšere barwa... gomme—gomme ba tšere barwedi ba motho.” Bjale, re lešaba la go hlakahlakana; re ba go fapanfa mosong wo, monna, basadi, le basetsana ba bannyane le bašemane, gomme ke bolela se gore ba bagolo ka nnete ba kwešiše. Eupša ge... O bolela gore “Ge diphedi tša barongwa di bone kganyogo ya basadi, ka fao monna a phetšego le basadi, gore ba ikgapeleditše bonabeng ka go nama ya motho. Kafao... gomme ba tšere go bona barwedi ba motho.”

¹²³ Gabotse, ga—ga ke dumele seo. Ke dumela se, gore ba tswetšwe fale ka Kanana, gomme ba tswetšwe go tšwa go se—se sehlopha sa Kaine seo se rometšwego pele go ya nageng ya Node. Gomme o be a na le leswao godimo ga gagwe gore go se be

motho a ka go mmolaya, ka baka la seemo sa gagwe sa go bolaya, a bolaya ngwanabo. Eupša ge, le ka hlokomela, ebole le Baisraele ba hweditše ba bangwe ba batho bale ge ba ile godimo kua. Ba be ba le ba bagolo kudu, gomme o rile, "Re bonagetše boka ditšie, godimo lehlakoreng la bona." A yeo ke nnete? Makgolo le makgolo a mengwaga moragwana, go be go le ba bagolo, banna ba digobagoba, baisa ba bagolo. Gomme dinako tše dingwe ba epolla godimo se—se setoto sa bona, gomme ba hweditše gore ba be ba le banna ba bagolo.

¹²⁴ Bjale moo ke naganago seo se tšwa gona. Bjale, ye nnyane ya thuto ya ka mong še bjale. E no ba batho ba kereke, le a bona. Ke nagana gore Kaine o be a le morwa wa Sathane. Ke a tseba le ganana le seo, kereke ya ka mong e a dira. Eupša seo e sa le... Go fihla Modimo a mpontšha go fapano, ke—ke tla dumela sela sa go swana, le a bona, gore o be a le morwa wa Sathane. Gobane ga se ke kgone go bea wola wa go hloka modimo, moyo wa polao o etšwa go Modimo. Aowa, mohlomphegi. O be a swanetše go ba ka morago ga papagwe, gomme papagwe e be e le se... mo, ge Sathane a tlie godimo ga sephente.

¹²⁵ Gomme sephente e be e se segagabi, thogako e mo dirile segagabi. O be a no ba bjalo ka motho, o sepetsē otlologile. Gomme o be a na le mosadi yo ntle kua, gomme o dirile bootswa bjo le go tšweletsā morwa wa gagwe wa mathomo e bego e le Kaine, tlhago ya papagwe. Gomme ke a dumela sebata se segolo sela se be se le godimo boka motho, gomme o sepetsē ka go otlologa, gomme ke moo ditšitširipa tše kgolo tše di tšwago gona. Ya, seo ke tlwa. Bjale, woo ke monagano wa ka mong gomme nka—nka ba phošo. Yeo ke kgopolo ya ka, le a bona. Eupša e be e le monna yo mogolo.

¹²⁶ Gomme ge le ka hlokomela, Modimo a eme fale pele ga Adama le Efa, O re, "Ke go tšere go tšwa leroleng, o tla boela leroleng. Ke..."

¹²⁷ "Gomme ka gobane o tlišitše ya gago... o theeleditše wa gago... sebata sebakeng sa monna wa gago, gore o tšere bophelo go tšwa lefaseng, o tla bo tlisa morago ka lefaseng."

¹²⁸ Gomme O rile, "Sephente, maoto a gago a a tloga, o a bona, ga o sa ya go sepela godimo gape. Gomme ga o ye go ba sebata, o ya go ba segagabi bjale. Gomme o tla ya ka mpa ya gago, gomme lerole le tla ba sejo ya gago."

¹²⁹ Fao ke moo ke naganago gore bale... Kaine, morago ga tlhago ya sebata sela o phetše le... boka phoofolo, seo se phetšego le mosadi yo seo se tšweeditšego ngwana yo, yo a bego a le seripa sa sebata le go swana le motho, moisa yo mogolo bogolo wa kgale. Gomme ka gona o ile ntle kua gomme bana ba gagwe ba thoma go tšwa go yena, gomme morago dibata, dikganyogo tša thobalano boka papago tšona mo mathomong, sebata sela

sa kgale sa kganyoga se hweditše barwedi le dilo tše, gomme ba itšeela go bona barwedi ba motho. Yeo ke nnete.

¹³⁰ Gomme se sa go tliša baisa ba, kgonthe, se theoga go kgabola lešika la go swana le e bego e le meboya ye e welego yeo e tlilego godimo ga batho. Elelwang, meoya ya go swana ye e phetšego morago kua, lehono . . . e phela lehono!

¹³¹ E lebeleleng lehono! Gabotse, re ne batho ka nageng ye bao . . . Bjale, ga ke . . . Ye, ke nna Moamerika, le a tseba ke yena. Eupša a ke le botšeng, se ke setšhaba sa fasafase ka ntle ga Paris, Fora, seo ke tsebago ka sona e ka ba kae ka lefaseng. Se gobogile kudu!

¹³² Gobaneng, ebile le batho ba šele, ka Afrika, ka—ka Sweden le . . . godimo kua, ba re, “Ke eng ka lefaseng e lego taba ka lena batho ba Amerika, a lena bohole ga le sa na tlhompho go basadi ba lena? Bakeng sa dipina tšohle mo seyalemoyeng, mohuta tsoko wa ya kgale ya ditšhila, pina ya maroga ka basadi. A ga le na tlhompho go basadi ba lena godimo kua?”

¹³³ Dipina tšohle tša rena di ka basadi, goba thobalano le kganyogo, le dilo boka tše. Ke ka gobane diabolo o e swere. Yeo ke nnete tlwa. Hollywood ya kgale le dithelebišene le se sengwe le se sengwe se kgoromeletša ntle dilo tše tša bohlaswa le go hloka bomodimo, o tla ya go bobeadikuranta bja kgale le se sengwe le se sengwe gape. Se sengwe le se sengwe ke basadi tsoko ba go hlobola thososo goba se sengwe. Seo ke tlwa se se e thomilego mathomong, le go fela ka tsela ya go swana. Ke dihlong!

¹³⁴ Gomme lerapo la mokokotlo la setšhaba e ka ba sefe ke bosadi, ge go etla go maitshwaro. Gomme o roba bomme, o robile setšhaba sa gago. Re fihlile lefelong lehono go fihla basadi ba rena . . . ba kgoga disekerete, le dilo tša go swana le tše, le go nwa wisiki, le go ya pele, gomme ke—ke kgobogo!

¹³⁵ Lesogana go leka go hwetša mosadi yo ebile e lego kgarebe, yo a nago le maitshwaro, o tla swanelo go ya tikologong ye nngwe ye botse, ye nnyane, ya kgale, kereke ya Moya wo Mokgethwa, e nyakile, go hwetša o tee; gomme seo ke thereso tlwa, moo monna a nnogo go mmoloka le dilo tša go swana le tše, gomme a hwetša tlhweko ye nnyane ka yena.

¹³⁶ O ka no nagana seo ke bogafa, eupša, ngwanešu, o e lebelela godimo gomme wa hwetša ntle, le go bona ge eba seo ga se Therešo. Ke kgobogo! Go lokile.

Bona ba be ba le barwa ba Modimo bao ba lego . . . Bjale, seo, nka kgona go hlalosa ya ka . . . Ge—ge ke tseba ge eba . . .

¹³⁷ Ke bile le potšišo ye nngwe lehono, ba re, “Gobaneng, Ngwanešu Bill, Beibele e rile Efa o rile, ‘Ke na le morwa go tšwa go Morena.’” Nnete tlwa. E be e swanetše go tšwa go Morena. Mohlodi a nnoši a lego gona ke Morena. O . . . Modimo o hlotše diabolo. Seo se bjang? Modimo o hlotše diabolo. Modimo o hlotše

morongwa yo mongwe le yo mongwe a welego a lego gona. A yeo ke nnete? Ka baka la eng, nnete. Yeo e be e le kgetho ya bona, e sego ya Gagwe. O go hlotše, o dira eng ka yona? O tla ahlolwa go swana le ge ba le. Ke lena bao. Ka kgonthé!

¹³⁸ Ba e be e le barwa ba Modimo, eupša ba wele go tloga mogaung gomme ba tlie ka gare ga banna ba ba sebata, gomme ba kitimela ntle le kganyogo. Ge ba bone basadi, ba nno ba tše. Gobaneng, ba sa le gona. Go hloka maitshwaro ga Amerika go tletše ka... Monna ntle le Moya wa Modimo, o tla lahlela lesea ka ntle ga matsogo a mme le go mo kata. Ntle le Modimo, ga a—ga a kaone kudu go feta sebata. O sa na le sebata sela, tlhago ya go hloka modimo. Gomme monna ka... Ba re bodumedi bo a go tše, ba re banna ba gafa godimo ga bodumedi. Bodumedi ke selo se nnoši seo se ka fago monna monaganwa gagwe wa maleba, seo ke, bodumedi bja Jesu Kriste.

¹³⁹ Nka netefatša ka Beibele gore ga o monaganong wa gago wa maleba go fihla o hweditše Kriste. Yeo ke nnete. Seo se boima gabotse, eupša nka netefatša seo ka Lengwalo. Yeo ke nnete. O ba sebata, ka kganyogo, le se sengwe le se sengwe, go fihla ge o hweditše Kriste Jesu. Ke Yo Yena wa go ratega.

¹⁴⁰ Bjale, ke tla dumela gore batho ba ithuta kudu, le go leka go ya kgole pele, le go leka go nagana thata kudu, gomme dinako tše dingwe ba ne go phuhlama ga monaganwa le dilo ka lebaka la go bala ka ga Morena. Le swanetše go tlogela seo! Ga la swanela go dira seo. Selo se nnoši le swanetšego go se dira ke go ratana le Yena, gomme le no ya thwi pele go Mo rata. Amene. Ga se go leke go kgoromeletša ka go se sengwe goba go itira wenamong se sengwe o sego sona, e no ya pele gomme o dumelele Modimo go go šomiša ka tsela ye A nyakago. E no ineela wenamong, ikgafe wenamong gomme o sepelele pele, o thabile, o opela, o thakgetše. Yeo ke tsela.

¹⁴¹ Beibele e rile, “Dilo tšohle di šomela mmogo go iša go tše botse go bona ba ba Mo rata,” kafao e no ba le nnete gore o a Mo rata, seo ke selo se nnoši o swanetšego go se tseba. Amene! E no Mo rata gomme o sepelele pele! E re, “Morena, ke a Go rata, O a tseba ke a Go rata.”

“A o rata se?”

“Aowa, Mohlomphegi. Ke a Go rata, Morena.” Le a bona?

¹⁴² O re, “Gabotse, a ga o nyake go ba... A o ka se rate go ba moreri yo mogolo? A o ka se rate go ba se?”

¹⁴³ “Aowa. Bjale, Morena, eng... Ge O nnyaka ke be, ke tla dira. Ge O sa dire, Amene. Ke tla ba thwi mo, feela legogwa la mojako kerekeng ye.”

¹⁴⁴ “Gabotse, bjale, ke a dumela ge o dira se sengwe boka se batho ba tla nagana bontši kudu bja kereke ya gago.”

¹⁴⁵ “Ga ke tshwenyege se batho ba se naganago, ke nyaka go tseba se O se naganago, Morena. Ke—ke tla no dula thwi le Wena, se O mpotšago go se dira. Ke rata bona bohole, kgonthe.”

“Gabotse, bjale, o tseba Kgaetšedi *Semangmang*, ga o mo rate.”

“Ee, ke a dira, Morena. Ee, ka kgonthe ke a dira. Ke a mo rata.”

“Gobaneng?”

¹⁴⁶ “Gobane O a mo rata, gomme O ka go nna. Gomme ke swanetše go mo rata, gobane ke Wena ka go nna o mo ratago go tšwa go nna.” Fše! Seo se tla e hwetša.

¹⁴⁷ Eupša ke nagana gore tšeо e be e le dibata tšela di welego ka fale, seo ke sebata sa kganyogo seo se welego, le a bona.

11. A “barwa ba Modimo” ba ra Barongwa goba meoya go tšwa Legodimong?

¹⁴⁸ Yeo e be e le potšišo ya motho. Go lokile. Ke a dumela gore ba be ba se Barongwa. Le a bona, ba be ba le diphedi, “barwa ba Modimo,” boka Lengwalo le bolela. E sego barongwa, ba be ba le barwa ba Modimo. Gomme ba tla go tšwa Legodimong go ya lefaseng, gomme ba beilwe ka nameng; e sego “go ikitela bonabeng ka nameng,” ke a dumela nama yohle e tswetšwe ka thobalano ka ntle ga Jesu Kriste. Ke a dumela gore Yena ke Sephedi se nnoši sa go tswalwa ke kgarebe seo se kilego sa ba gona, Jesu Kriste. Gomme ga—ga ke dumelane le Josephus ka seo, go rahistori yo mogolo yola. Eupša ke a dumela gore ba be ba le diphedi tša ka godimo ga tlhago tšeо di tlago tlase le go thopa moya wa motho. Gomme ke a dumela ba thwi mo le bjale lehono, ba sa sepela tikologong ka Jeffersonville lehono, bona sebata sa go swana, ka kganyogo, meoya ya go hloka modimo, go phela thwi ka go batho. Bjale, letšatši le lengwe banna ba ba tla hwa; gomme ge go na le moloko wo mongwe, ba tla tla thwi tlase godimo ga bona.

¹⁴⁹ Elelwang, Modimo o tšeа motho wa Gagwe eupša ga se nke Moya wa Gagwe, wo ke Moya wo Mokgethwa wa go swana woo ba o amogetšego ka Pentecost.

¹⁵⁰ Ke diabolo wa go swana (ka dibopego tša bodumedi) yoo a tlaišitšego Kriste, ke diabolo wa go swana yoo a lego ka kerekeng lehono, a apere diaparo tše telele. Gomme ga ba swanela go apara... Ga ke re kobo godimo ga mmele wa bona, ke ra kobo godimo ga soulo ya gago. Le a bona, “Gobaneng, matšatši a mehlolo a fetile, ga go selo se sebjalo.” Le bolela ka Bafarisei ba sebjalebjale! Feela tlwa.

¹⁵¹ “Ba na le...” Beibele e re, “Ba tla ba le sebopego sa bomodimo, eupša ba tla gana Maatla. Go ba ba bjalo retologa o tlogue, tloga go yona. E no dula kgole, ipolokeng ka bolena.” Bao ba sa le bona barwa ba Modimo, eupša ba ka seemong se se

welego. Le bona se ke se rago? Ba bangwe ba bona ke badiredi, ba bangwe ba bona ke matikone, ba bangwe ba bona ke bagolo, ba bangwe ba bona ke dipišopo, feela go hlomphega ka mo ba kgonago! Eupša Beibebe . . .

¹⁵² Bjale, ke ya go araba potšišo, ngwanešu, gore o mpotšišitše nakwana ya go feta. Yo mongwe o rile:

12. Ngwanešu Branham, ke nyaka go tseba lefelo moo nka kgonago go tlemelela le go re “Monna yo o ne Moya wo Mokgethwa gobane o dirile ‘se,’” goba “Mosadi yo o ne Moya wo Mokgethwa gobane o dirile ‘seo.’”

¹⁵³ Ga go tsela ka lefaseng go wena go e tseba. Yeo ke nnete. Ga go tsela ka lefaseng go wena go e tseba. Modimo ke Moahlodi, ga re ba go ahlola. Le a bona? E no rera Ebangedi, phela . . .

¹⁵⁴ Moisa o tlide go nna mo nako ye nngwe ya go feta, ke be ke rera ka se ke se boletšego bošego bjo bongwe. O tlide godimo ntlong ya ka gomme a re, “Ngwanešu Branham, ngwanešu, ke nyaka—ke nyaka—ke be ke nyaka go ba . . . Ke nyaka go fediša dibe tša ka. Ke nyaka go ba Mokriste.” O dutše mathuding a ka.

¹⁵⁵ O rile, “Ke kwele ka monna yo mogolo, monna wa go tsebega ka boditšhabatšaba ka leina la Billy Graham.” O rile, “Ke ile dikopanong tša gagwe gomme—gomme—gomme o rile, ‘Bohle ba nyakago go ba Mokriste, iša seatla sa gago godimo gomme o amogele Kriste bjalo ka Mopholoshi wa sebele.’ Kafao ke phagamišeditše seatla sa ka godimo. O rile, ‘Bjale, bohle emang, re tla ba le thapelo.’ Kafao ke dutše le go rapela feela . . .” (ntshwareleng) “feelka tlhokofalo ka mo nka kgonago.” O rile, “Gomme, eupša seo ga se sa ntira botse bjo itšego.”

¹⁵⁶ O rile, “Morago ke ile tlase go—go kopano ya Oral Roberts.” O rile, “Ke kwele ka ga gagwe, gomme ke kwele bohle ba bile le lethabo le le bjalo.” O rile, “Ke ile tlase go Oral Roberts gomme ke mmotšišitše, ‘Ke dire eng go ba Mokriste?’ O rile, ‘Wena boela morago ka fale . . .’ Ke mmoditše ke be ke swaretše seatla sa ka go sa Billy Graham. O rile, ‘Le dula ka kamoreng yela ya go nyakišiša ka fale go fihlela le thabile kudu le bolela ka maleme.’” O rile, “Ke ile ka fale gomme ke rapetše go fihla ke boletše ka maleme.” O rile, “Ke tšwetše ntle, ga se gwa ntirela botse.”

¹⁵⁷ O rile, “Gomme ka morago ke ile kopanong ye nngwe gomme ba mpoditše gore ke be ke se ka hlwekišwa le bjale, o rile ‘Ke swanetše go hlwekišwa le go thaba le go goelela, go hwetsa lethabo la go lekanelia.’ Kafao ke rapetše le go rapela go fihla ke—goeleditše.” O rile, “Go sa le . . .”

¹⁵⁸ Ke rile, “Ngwanešu, se sengwe le se sengwe sa dilo tše se nepile, se sengwe le se sengwe sa tšona se lokile. Go swara seatla sa gago godimo, go bolela ka maleme, go goelela, ke dumela go nthatana ye nngwe le ye nngwe ya yona, eupša efela seo ga se selo. Le a bona, ke go amogela Motho, Kriste Jesu.” Le a bona? Le a bona, ga se . . .

¹⁵⁹ Dilo tše ke ditholwana. Go goeletša, go bolela ka maleme, go kitima, go goelela, go lla, go rapela, e ka ba eng, tše o no ba ditholwana tše di latelago. Selo sa pele ke go amogela Motho, Kriste Jesu. Le a bona? Kafao ga go—ga go bohlatse bjoo re ka kganago go bo bolela. Ka gobane monna o a lla? Ke bone monna a lla le go lla, le go lla sehlodimare, gomme o sa no ba modiradibe yo mogolo ka mo a kganago.

¹⁶⁰ Theetšang, Jesu o re swantšha le dinku. A yeo ke nnete? Modiši o tseba dinku tša gagwe. A yo mongwe ka mo a kilego a kwa pudi e lla? Gabotse, ngwanešu, bokaonana o be modiši ge o nyaka go tseba phapano. Pudi e tla lla feela tlwa boka nku. Uh-huh. A nke pudi ye nnyane ya kgale ya phookwana e lekeletšwe ntle fale felotsoko, gomme nku ye nnyane ka lehlakoreng le lengwe “Mmee,” gomme morago “Mmee,” feela go swana.

¹⁶¹ Gomme ke ba kwele tlase mo aletareng ba no lla le go lla, “O Modimo!” ba no sehumula ka mokgwa woo, “O Modimo!” gomme pudi nako yohle. Yeo ke nnete. Go goelela? Gabotse, nna, ke ba bone ba goelela go fihla ba no... gomme ba kitima go kgabaganya lebato le go tabogela godimo le fase le go goelela.

¹⁶² Bjale, o re, “Ngwanešu Branham, ga o dumela go go lla!”

¹⁶³ Le se ke la ntšea phošo. Nnete, ke dumela go go lla. Eupša ke bolela gore ga se bohlatse, le a bona, ka baka la gore bobedi ba a lla. Ke ba bone ba goelela feela ka maatla ka moo ba kgonnego go goelela. Ee, mohlomphegi. Gomme go no ya pele ka mokgwa woo, gomme go ne ditsela tše telele, le tseba se ke bolelago ka sona. Ke ba kwele ba bolela ka maleme, ba eya ntle le go phela mohuta e ka ba ofe wa bophelo, ba no dira e ka ba eng. Leo e be e se leswao.

Eupša o re, “O kgahlanong le yona.”

¹⁶⁴ Aowa, ga ke. Ke dumela go boleleng ka maleme, ke mpho ya Modimo ka kerekeng. Ge nka e ntšetša ntle, ke tla tše karolo ya Modimo. Ge nka tše leleme la ka—leleme la ka go tšwa mmeleng wa ka fa, nka se be le mmele wa go felela. Mmele wa Jesu Kriste o na le maleme ka go Wona. Mmele wa Jesu Kriste mo o na le maleme; gomme o le tšeela ntle, o tšeela karolo ya Kriste ka ntle. Eupša le ge go le bjalo o ka se kgone gore woo ke Mmele, le a bona. Le a bona? Le a bona?

¹⁶⁵ Eupša ke go amogela Motho, Kriste Jesu, gomme dilo tše dingwe tše di tla thwi pele ka gare gomme di lekanelia mmogo. A nke leloko le lengwe le le lengwe ka mmeleng wo mosong wo, a nke sehlapha se sennyane se sa batho, ge re ka kgona go gogela digaretene fase go bapa go lehlakore le lengwe le le lengwe gomme motho yo mongwe le yo mongwe ka mo a amogela Motho, Kriste Jesu, go ka se tsoge gwa ba le kgogakgogano goba go ka se tsoge gwa ba ngangišano. Go tla no ba lerato la go phethagalala. Efela le tla no fele le dumela se le go dumela *sela*, eupša se tla no tlala kudu ka lerato le tla no... Le a bona? Yeo ke yona.

Bjale, Jesu o rile, "Ka dikenya tša bona le tla ba tseba." Gomme kenywa ya Moya ke lerato, thabo, khutšo, pelofalo, bobotse, boleta, bonolo.

¹⁶⁶ Bjale, ke ya go... Ke tla le fa kakanyo ya ka ya se ke naganago gore selo sa kgaušwiuswi le bohlatse, gore motho ke Mokriste, go feta e ka ba eng ke tsebago ka yona. O tseba se e lego? Ke go šokwa ga soulo. Motho yo ka mehla a swaretšwego ke tlala le go nyorelw Modimo. Gabonolo ba no... mosegare le bošego, ba—ba no se kgone go e kgotlelela. Ba—ba—ba swanetše go direla Modimo se sengwe. Ba—ba tletše lerato gomme ba no... ba le lešoko la soulo, go no šokwa nako yohle. Beibele e rile, "Yo a yago pele a bjala ka megokgo ntle le pelaelo o tla bowa gape, a hhalala, go tliša le yena dišerefe tše bohlokwa." A yeo ke nnete? Dilo tšela tšohle.

¹⁶⁷ Bjale, lebelelang, ge fao... Ge kerekē ye... Ge nka re, mosong wo, gore sehlopha se sa batho le nna... Gomme Modimo o re, "Bjale, lebelela, William Branham, Ke ya go go dira o arabele bakeng sa sehlopha sela sa batho, se o ba botšago. Bjale, a o ba nyaka bohle go goelela?"

"Nnete, ke nyaka ba goelele."

"A o ba nyaka bohle go bolela ka maleme?"

"Ke nyaka yo mongwe le yo mongwe wa bona go."

"A o ba nyaka bohle go bina ka Moya?"

"Ke nyaka yo mongwe le yo mongwe wa bona go."

¹⁶⁸ "Go lokile, gabotse, seo se lokile kudu, eupša bokaone o be o ka rata ba dire eng?" Uh-huh.

¹⁶⁹ "Bokaone ke be le kerekē ye e bilego le morwalo wo mobjalo godimo ga pelo ya bona bakeng sa thapelo gore ba no dula mo aletareng ye gomme ba tla ba fa mosegare le bošego, le se sengwe le se sengwe gape; gomme ka ntlong ya bona, ba be kgafetšakgafetša ba le thapelang, le go kokobela, le go leka go dira batho go tla go Modimo, le go dira dipitšo ka bookelong le go etela balwetši, le go leka go tliša batho go tla kerekeng le go dira gabotse. Bokaone ke be le seo go phala bohle ba bangwe ba beilwe mmogo; le ge yo mongwe a nepile, ke ya ka kerekeng."

¹⁷⁰ Eupša ge ke be nka swanelā go ba le yona, ke be ke tla bea yeo pele. Gobane ge o na le yeo, ye nngwe e tla direga. Uh-huh. Le a bona? Ge o na le seo, ge o ka no swarwa ke tlala kudu bakeng sa Modimo, go goeleša go tla direga. Ge o swerwe ke tlala kudu bakeng sa Modimo, go bolela ka maleme go tla direga. Ge o swerwe ke tlala bakeng sa Modimo, gomme o no tšwelapele o swerwe ke tlala, go boloka se. Eya go ipona wenamong o eba go fapanā, nno elelwa, lebelela ntle, go na le moyā wo mongwe o lekago go šoma ka bowona ka kua. Dula thwi pele ga Modimo, o kokobetše, ka lešoko la soulo. E no ba... go ba le ya fešene ye botse ya kgale...

¹⁷¹ Nka netefatša ka Beibele gore “Lekga la mathomo Morongwa wa Modimo o ile godimo ka dinageng go swaya ka Moya wo Mokgethwa, O nno swaya bao ba go lla le go fegelwa bakeng sa makgapha a a dirilwego ka toropongkgolo,” Hesekiele, tema ya 9. A yeo ke nnete? Bea leswao godimo ga phatla ya bao ba fegelwago le go lla bakeng sa makgapa ao a dirwago ka toropongkgolo.

¹⁷² Bjale, ke nyaka go le botšiša potšišo, ke tla le botšiša potšišo ye. (Bjale re tla tswalela feela ka pela ka mo nka kgonago.) Go tla direga eng lehono ge Moya wo Mokgethwa o ile go kgabola Jeffersonville, New Albany, le Louisville, go swaya bao morago ga sekgalela se ba bego ba tla ba gae, “Modimo, romela tsošeletšo, ba nno swarwa ke tlala bakeng sa kopano. O Modimo, lebelela dibe tša toropokgolo. Oo, a ga go šiiše, Modimo? Oo, a ka kgopelo O ka se romele tsošeletšo, Modimo? Romela moreri tsoko yo mokaone, romela yo mongwe. O Morena, a nke Moya wo Mokgethwa . . .” Moo, O tla swaya kae? Naganang ka seo.

¹⁷³ Bjale, “Gabotse, Ngwanešu Branham, o ra go reng?”

¹⁷⁴ Ke ra se, gomme ke bolela se bjale ka tlhomphokgolo, ke sepela godimo ga ditlhale tše di sehlegilego. Ke a dumela gore letšatši le kgaušwi le go fela, bona ba ba lego ka gare ba ka gare. Le a bona? Le a bona? Mabati a tswalela mmogo, ga o sa na morwalo wola gape.

¹⁷⁵ Billy Graham o bile le dikopano gohle go kgabaganya naga, le Oral Roberts, le bohole ka moka ga rena. Re llile, le go rapela le go rapela, le se sengwe le se sengwe gape. Eupša, le a bona, mabati a a tswalela. “A nke yena yoo a lego wa ditšila,” ke tsopola Lengwalo, “a fele a le ditšila. A nke yena yoo a lokilego, a fele a lokile. Yena yoo a lego yo mokgethwa, a fele a le yo mokgethwa.” Gomme ke a dumela mabati a Bantle a tswalela mmogo. Le a bona? Letšatši la nako ya sehla le no nyakile go fela, feela bonnyane kudu go tsena. Lebaka le o ka se kgonego go ba le mohuta wa kopano boka yeo, ga go lešoko la soulo. Ga o—ga o hwetše morwalo.

¹⁷⁶ Ke elelwa mengwaga ya go feta. Ka mehlala o ba kwa ba bolela ka mehlala ya lerole le dilo ka tabarenekeleng. Seo ga se sa e dira gape, le gannyane bontši. Eupša gona e be e le ye mpsha, Modimo o be a bitša Kereke ya Gagwe. Ke ba bone ba sehumola le go lla le go lala mo aletareng botelele bošego bjohle. Ke ile dintlong tša bona, gomme o be o kgona go ba kwa ge o etla godimo, feela ka go ya bona . . . ka kamoreng ya bona ya borobalo, banna le basadi, ba lla, “O Modimo!”

¹⁷⁷ O tla ba bona ba sepela go kgabola kereke, gomme ke tla bona piano e thoma go bapala, *Jesu Mpoloke Kgaušwi Le Sefapano*, gomme dikeledi di leketla fale, le a tseba. “Hlwere, hlwere, hlwere, hlwere, hlwere.” Sepelela ka kerekeng *ye*, morago sepela go theogela kerekeng *ye* nngwe, gomme o ba kwe fao, *Go na le*

Mothopo wo bohlokwa. “O Modimo, phološa mošemane wa ka. Phološa morwedi wa ka, o lahlegile, Morena. Hle!”

¹⁷⁸ Ga o sa hwetša seo gape. Bothata ke eng? Moya wa Modimo o gomile. Jesu o rile, o boleletšepele se, gore lerato... gobane lerato la ba bantši... lerato la bona le tla šitwa. “Gore ka gobane bokgopo bo tla ata, lerato la ba bantši le tla šitwa.” Le a bona? Le a bona, go gola go tonya, go ya kgole. Lerato le a hwa. Gomme ba tsene ka go yona? Feel a sebopego; itiela piano godimo le fase, thata ka kgonthe, gomme ba goelele, “Letago go Modimo! Haleluya! Amene! Tumišang Morena!” Le a bona, ka mokgwa woo, e no ba sebopego. Se itlaetše wenamong, o a bona, go no itlaetše wenamong. O a bona, theetše, ngwanešu, go fihla re... ke ya ka mokgwa wo, ke bolela-...

¹⁷⁹ Ga ke bolele ka tabarenekele ya rena, ke bolela ka se ke se hwetšago go dikologa United States. E no ba sebopego, feela mohuta wa go dira se re bego re fela re eba le sona. Gomme lešoko lela la soulo, le no nyakile go fela. Oo ngwanešu, kgaetšedi, (Modimo, eba le kgaogelo go rena) a nke Modimo a be le kgaogelo!

¹⁸⁰ Lebelelang ditsošeletšo tše le dilo di no itiana le go itiana le go itiana, gomme Ebangedi e rerwa go hlaka kudu, ke... E lebeleleng lehono, feela ka pela ge tsošeletšo e tswalela, ba a tloga. Le a tseba ke eng?

¹⁸¹ A nke ke bolele se. Ga ke tsebe gobaneng nka se kgone go tloga go se. Eupša, lebelelang, Jesu o rile, “Mmušo wa Legodimo o swana le monna yo a tserego nnete gomme a lahlela ka lewatleng. Gomme ge a tsentše ka gare, o tserere mehuta ye mmalwa ya lewatle, nnete. O tserere dipshinyaleraga, gomme o tserere dinoga, gomme o tserere crawfish, dithwakga tša meetse, hlapi. Le a bona? Gomme ke dumela nnete....

¹⁸² Bjale, lebelelang! *Fa* go pshinyaleraga, gomme hlapi še. Pshinyaleraga yela e ka se kgone go e thuša gobane e be e le pshinyaleraga, e be e le pshinyaleraga sa mathomo. Tlhago ya gagwe ke pshinyaleraga gomme seo ke sohle se bilego go yona. (Bjale elelwang, ke—ke rile ke be ke eya go rapela.) Le a bona, ke pshinyaleraga sa mathomo, ke pshinyaleraga bjale. Ge a le noga sa mathomo, ke noga bjale. Ge e le thwakga ya meetse sa mathomo....

¹⁸³ Gomme ke a dumela nnete e lahletšwe le go lahlelwa le go lahlelwa, go fihla e ka ba hlapi yohle e ntšhitšwe mogobeng.

¹⁸⁴ Ke ka lebaka leo ba rego, “Gabotse, ke bile le diatla tša ka godimo. Letago go Modimo! Ke nyaka go phološwa. Tumišang Morena!” Gomme matšatši a se makae moragwana, “Oo, Lydia, o a tseba selo sela ke ditšiebadimo.” “Ke a thanka e be e lokile.” Gobaneng? Tlhago e mo ke thwakga ya meetse sa mathomo; e be e le sephente, sa mathomo.

¹⁸⁵ Hlapi e no nyakile e kamilwe go tšwa letsheng bjale. Nnete e tla be e omile. Gomme Jesu o tla tla, O tla tseela hlapi ya Gagwe ka gare nako yeo. Le bona se ke se rago? Oo, ge go na le tshatlana e tee ya Bokriste ka go wena, ge go na le tshetlana e tee ya tlhologelo go wena go direla Modimo, e sware feela go swinelela ka mo o kgonago mosong wo le go e babalela ka pelo ya gago yohle.

¹⁸⁶ “Barwa ba Modimo ba itšeetše go bona barwedi ba motho.” Kgonthe ba be ba le barwa ba Modimo. Lehono ba sa le barwa ba Modimo, eupša ke barwa ba Modimo ba ba welego. Ba bangwe ba bona, ka mangwalo, fše! Ka fao ba kgonago go bolela Lengwalo! Ke barwa ba Modimo. Le a tseba, Sathane o be a le monna wa letsogo la go ja la Modimo. Le a tseba, o tseba kudu ka ga Lengwalo go feta e ka ba ofe—e ka ba mothutamodimo mang—moithutamodimo lefaseng lehono. Bolela ka... O hlanoletše diseminari ka godimo go ya ka fase, gagolo Mobaptist yo mongwe godimo mo a bolelago gore “Jesu Kriste yola o belegwe ke Moroma, goba lesole la Mojeremane.” Ke na le puku ka seo, ke nyaka go le laetša yona a mangwe a matšatši a. Go lokile.

¹⁸⁷ Ka pela, Ekisodo... Oo, re be re ka se tsoge ra hwetša yeo ntle le ge re beile morago. Ke tla di hwetša thwi ka pela bjale, ke a tseba ke tsea nako ya lena ye ntši. Bohle le nkgotlelela feela metsotso e se mekae boteletšana? [Phuthego e re, “Amene.”—Mor.]

13. A ba dikete tše lekgolo le masomenne nne, ba boletšwego ka go Kutollo, ke mašalela a Bajuda ao re... ba tla bago karolo ya Tlthatlogo ya Kereke? (gape) A Israele ga se, mathomong a... ba thomile... (Ke maswabi)... go ya ka nakong—nako ya...?

¹⁸⁸ Ke maswabi, feela motsotso go fihla ke hwetša ye e dirilwe. E—e ile go kgabola, e kgoromeditše go kgabola mo lephepheng.

... go tla go phethega lebakeng la mengwaga ye sekete se tee ya—ya Kriste ke ra gore go feta ka fao monna yola a kgonago go phela, bjalo ka ge borabodumedi ba ba sebjalebjale ba re botša? Ee, mohlomphegi.

¹⁸⁹ Bjale, motsotso feela, go hwetša se gabotse. Potšišo ke:
A dikete tše lekgolo le masomenne nne, bao e lego mašalela a...?

¹⁹⁰ Ke nyaka go re phošolla go seo pele, feela go ba le nnete gore lena... Le a bona, ba dikete tše lekgolo le masomenne nne... .

A ba dikete tše lekgolo le masomenne nne, ba boletšwego ka go Kutollo, mašalela a Bajuda bjalo ka ao e tla bago karolo ya Tlthatlogo ya Kereke? A ba dikete tše lekgolo le masomenne nne...?

¹⁹¹ Bjale, feela... ke nna—ke nna... Ke nyaka go hwetša se go hlaka ka monaganong wa ka pele ke thoma go yona.

A ba dikete tše lekgolo le masomenne nne, ba boletšwego ka go Kutollo, mašalela a Bajuda ao a tla bago karolo ya Tlhatlogo ya Kereke?

¹⁹² Ke nyaka go hwetša yeo pele. Ba dikete tše lekgolo le masomenne nne ke mašalela a Bajuda, eupša e sego Kereke ye e hlatlogilego. Le a bona? Lebelelang godimo bjale ka go Kutollo, tema ya 6, le tla bona seo.

¹⁹³ Ka gona re tla hwetša karolo ye nngwe ka go le lengwe—le lengwe lehlakore gomme ba na le potšišo ye nngwe ka kua. Hlokamelang dilo tše.

¹⁹⁴ Go lokile, lebelelang fa bjale, Kutollo 6, bjale, ke moo le e hwetšago. Le a bona? Bjale, re ya go thoma, o ya pele le go bolela ka banamedi ba dipere, le go ya pele, a eya pele. “Ge ba butše . . .” A re hwetšeng temana ya 9 ya tema ya 6 ya Kutollo:

Gomme ge a butše lehuto la bohlano, . . .

¹⁹⁵ Ke—ke—ke fošitše, ke ka go tema ya phošo. Ke tema ya 7:

*...ka morago ga dilo tše ke bone barongwa ba bane ba
eme go dikhutlo tše nne tša lefase, . . .*

¹⁹⁶ Oo, a potšišo ye botse, gomme a nako ye nnyane go tsena ka go yona le go ba le thapelo ya balwetši.

*...ka morago ga dilo tše ke bone barongwa ba bane
ba eme go dikhutlo tše nne tša lefase, ba swere diphefo
tše nne tša lefase, gore phefo e se ke ya foka godimo ga
lefase, goba godimo ga lewatle, le ge e ka ba mohlare ofe.*

*Gomme ke bone morongwa yo mongwe a fologa go
tšwa legodimong, a swere leswao la Modimo wa go
phela: . . .*

¹⁹⁷ Oo, eba le nnete, ye ke potšišo ya go makatša. Le a bona? Bjale, šetšang seswantšho sa go kgahliša; Johane o rile bjale, mo . . . kgole go tloga lefaseng bjale, ka Moyeng, a lebeletše morago lefaseng. Gomme o bone barongwa ba bane ba eme dikhutlong tše nne tša lefase, ba swere diphefo tše nne tša lefase.

¹⁹⁸ Bjale, “diphefo,” ka Beibeleng . . . ga ke na le nako go le hweletša Mangwalo. Eupša re ka kgona go fihla go se. Ge e sa arabiwe gabotse, gona ke tla e hwetša nako ye nngwe. Tše nne . . . *Diphefo*, ka Beibeleng, di ra “dintwa le dikgogakgogano.” Go swana le nakong ya Jobo, le a elelwa, diphefo di tlie tlase gomme—gomme tša tsea barwa. Gomme le tseba se ke se rago, ke—ke—ke bothata. Le a bona?

*...gomme ke bone barongwa ba bane (barongwa
ba bane, goba “batseta ba bane”), ba be ba eme ka
mafelelong a . . . goba dikhutlo tše nne tša lefase, ba
swere diphefo tše nne . . .*

*...gomme o gooleditše ka segalontšu se segolo go
barongwa ba bane, bao ba filwego go—go senya lefase*

le lewatle. (Bjale, yeo ke go tla ga Morena, se a bolelago ka sona. Le a bona?)

A re, Se senyeng lefase, le ge e le lewatle, goba mehlare, go fihla re swaile bahlanka ba Modimo wa rena phatleng ya bona. (Bahlanka.)

- ¹⁹⁹ Bjale, elelwang, Kereke ga se bahlanka ba Gagwe. Re barwa ba Gagwe, e sego bahlanka ba Gagwe. Mojuda ka mehla ke mohlanka wa Gagwe. Kereke ga se nke ya ke ya ba bahlanka ba Gagwe, E bile bana ba Gagwe. Le a bona? Bahlanka:

Gomme ke kwele palo ya bona...ba swailwego: gomme go swailwe kete tše lekgolo le masomenne nne bohle ba meloko ya bana ba Israele. (Bjale, lebelelang, bohle ke Bajuda.)

- ²⁰⁰ Bjale šetšang! “Go moloko wa Juda go swailwe dikete tše lesomepedi. Moloko wa Rubene, lesomepedi. Moloko wa Gada, lesomepedi. Asere, lesomepedi. Le wa Nafutali, lesomepedi, le—le go theoga. Simeone, lesomepedi. Gomme Asere, lesomepedi. Le Sebulone, lesomepedi. Le Benyamini, lesomepedi.” Gomme meloko ye lesomepedi ya Israele, kafao lesomepedi atiša ka lesomepedi...ke eng? Dikete tše lekgolo masomenne nne. Bjale, šetšang, meloko yohle ya bana ba Israele. Bjale šetšang, bona e be e le “bahlanka” ba Modimo.

- ²⁰¹ Bjale mohlomongwe nka kgona go dira se go kwagala. Bjale šetšang:

Ka morago ga se...bonang, gomme, bonang, gomme ke bone lešaba le legolo, leo go sego motho a ka kgonago go le bala, (bjale, sehlopha se sengwe sese, le a bona) *ba ditšhaba tšohle, ...meloko, ...maleme, le batho, ba ema pele ga terone, le pele ga Kwana, ba na le bošweu... ba na le...Kwana, ba apere diaparo tše tšhwieu, le mepalema ka diatleng tša bona;*

Gomme ba gooleditše ka segalontšu se segolo, ba re,... (Theetšang kopano ye ya Moya wo Mokgethwa!)...*Phološo go Modimo wa rena yo a dutšego godimo ga terone, le go Kwana.*

Gomme barongwa bohle...go dikologa gohle—gohle teroneng, le mabapi le bagolo le dibata tše nne,...ba wele pele ga terone ka difahlego tša bona, gomme ba tumisa Modimo,

Ba re, Amene: Tšhegofatšo,...letago,...bohlale,... ditebogo,...tlhompho,...maatla,...thata, di be go Modimo wa rena neng le neng. Amene.

Gomme yo mongwe wa bagolo... (Bjale, šetšang bjale, yoo e be e le...Johane o be a le ka ponong)...yo mongwe wa bagolo o rile...o arabile nna, o rile go nna, Ke bomang ba... (Bjale, Johane o be a le Mojuda gomme

o bone meloko ye lesomepedi ya Israele, o ba tsebile) . . . Eupša ke bomang ba ba aperego dikobo tše ditšhweu? gomme ba tšwa kae? Ba be ba etšwa kae? Bjale, o bone Bajuda, o ba tseba yo mongwe le yo mongwe, o ba badile go tšwa melokong gomme o boletše ke dikete tše kae di swailwego. Eupša ke bomang ba ba moloko wo mongwe le wo mongwe, leleme, le setšhaba? Ba tšwa kae?

Gomme ke rile go yena, Mohlomphegi, wena o a tseba. (Johane, ka mantšu a mangwe, “Ga ke tsebe moo ba tšwago gona. Ke nna Mojuda gomme ke eme fa, gomme ke bona batho ba gešo—ba gešo le go ba bona bao ba lego fa.”) . . . *Gomme o rile go nna, Ba ke bona ba ba tšwago go tlaišego ye kgolo, . . . (Le a bona?) . . . tlaišego ye kgolo, gomme ba hlatswitše diaparo tša bona, le go di dira tše tšhweu ka mading* (e sego boleloko bja kereke), eupša ka mading a Kwana. (Le a bona?)

Kagona ba pele ga terone ya Modimo, gomme ba mo hlankela mosegare le bošego ka tempeleng: . . .

²⁰² Bjale, ke kae mo Mdi. Branham a ntirelago? Ka ntlong. Yoo ke Monyalwa. Mdi. Neville, moo ke mo a dulago, ka ntlong, go go direla. Fao ke mo Monyalwa a lego gona, e sego bahlanka, Monyalwa.

. . . hlankela . . . ka te tempeleng: gomme ba . . . a dutšego godimo ga terone o tla dula le bona.

Gomme ba ka se sa swarwa ke tlala gape, . . . (Ba phonnwe ke dijo di se kae, go bonagetše o ka re (a ga ba?) ge ba be ba le mo) . . . se sa swarwa ke tlala gape, le bile ba ka se nyorwe . . . le letšatši le ka se bonege go bona, goba phišo e ka ba efe.

Ka gore Kwana ye e lego bogareng bja bona e tla ba etapele le go ba fepa, gomme o tla ba hlahlela ka go—go ya go phela . . . (motsotsa feela) . . . methopo ya go phela ya meetse: gomme Modimo o tla phumola . . . meokgo yohle (seo ke sehlopha sa go lla seo se tsenego ka fale) *mahlong a bona.* (Le a bona?)

²⁰³ Bjale, hlokamelang, ba be ba swerwe ke tlala le go nyorwa, le go lla, le go popoduma le go kgopela, ba tšwela ka ntle ga tlaišego (ba rile, “Lebelela sehlopha sela sa bapshikologibakgethwa, oo, ke mahlanya!”). Oo, nna! Ya. Le a bona? Eupša ba llile gomme ba kgopetše, ga se ba baka le go kgorometšana. Gomme ba nno lla le go kgopela. Gomme, le a bona, gomme ba be ba le meloko yohle, maleme, le ditšhaba.

²⁰⁴ Bjale, dikete tše lekgolo masomenne nne, bao e be e le Bajuda. Abraham o be a le mohlanka wa Modimo. Bajuda ka mehla ba bile bahlanka ba Modimo. Bantle ga se nke ba ke ba ba mohlanka wa Gagwe.

²⁰⁵ Bjale, ke no swanelo go potlaka go kgabola se bjale, gobane re ne tše pedi goba tše tharo gape. Gomme ke tla potlaka feela ka pela ka mo nka kgonago, le go se leke go šia tše. Eupša ke tla tla thwi morago le go di hwetša gape Lamorena la go latela (ge Morena a rata) le go tšea nako ye ntši go tšona.

²⁰⁶ Eupša, lebelelang bjale, o bone dikhutlo tše nne tšohle tša lefase, le barongwa ba eme dikhutlong tše nne tša lefase. Bjale, o re, “Ke be ke gopola gore e be e le ntikodiko”; seo ga se e tloše go ba le dikhutlo tše nne, le a bona. Go lokile.

²⁰⁷ Bjale, “Go dikhutlo tše nne tša lefase, ba swere diphefo tše nne.” Ka mantšu a mangwe, mo go sepetsē diphefo, di foka ka dintweng le dikgogakgogano tše di tliego gohle godimo ga lefase. Seo se kile sa direga neng? Ga se nke go fihlela Ntwa ya Pele ya Lefase. “Ba swere diphefo,” gomme di be di katana, di eya ka gare go thopa.

²⁰⁸ Gomme bjale, mo go tla yo mongwe yo Motee. Bjale, ge le ka šetša le go šupa Morongwa yola, ke Morongwa wa go swana yo a tliego ntle ka go Hesekiele 9, ge banma ba etla go tšwa ka morago ga dikgoro tša bona ka dibetša tša go bolaya gomme ba be ba eya go kgabola Jerusalema go bolaya Bajuda. Le a elelwa? O rile, “Se swareng! Se swareng! Se emišeng, go fihla o eya go kgabola toropokgolo gomme wa bea leswao godimo ga phatla ye nngwe le ye nngwe bao ba fegelwago le go lla bakeng sa makgapha a dirilwego ka toropongkgolo.” A seo ke therešo?

²⁰⁹ Ka gona, morago ga ge A dirile seo, ka gona O ba dumeletše go ya ka gare le go bolaya. Yeo e be e le tlhomaro ka tlase ga Tito. Bjale, le a bona, ke yena Morongwa wa go swana, o tla pele gape, go tšwa Bohlabela (gomme moo Jesu a tla tlago) gomme O bile le Leswao la Modimo yo a Phelago. Letago!

²¹⁰ Bjale, ke eng Leswao la Modimo yo a Phelago? Oo, ge seo e se ngangišano ye kgolo lefaseng lehono! Ba bangwe ba re ke go boloka letšatši la sabatha, gomme ba bangwe ba re ke go dira se le sela. Eupša Beibele e rile “Moya wo Mokgethwa ke Leswao la Modimo”! Baefeso 4:30 e re, “Le se ke la nyamiša Moya wo Mokgethwa wa Modimo wo le swailwego ka wona go fihla letšatši la topollo ya lena.” Le a bona? Go lokile. Ke Moya wo Mokgethwa.

²¹¹ Gona ke eng e tlago? Bjale, lebelelang! Oo, ge ke nagana ka ye, pelo ya ka e a taboga. Bjale O rile, “Swara diphefo tše nne go fihla” (ka mantšu a mangwe) “re swaya bahlanka ba Modimo wa rena phatleng ya bona.” *Bahlanka*, “Bajuda.” (Johane o retologile, o rile, “Ke bone ba dikete tše lekgolo le masomenne nne ba swailwe.”) Bjale, diphefo tšohle di thomile ka gare, gomme ba ka be ba khupeditše lefase gomme ntwa ya Haramagedone e ka be e diregile ka go Ntwa ya Pele ya Lefase, eupša . . .

²¹² Bjale ke swanetše go hwetša Lengwalo le lengwe mo go le laetša. Jesu o boletše ka batho gore . . . O rile, “Ba bangwe ba tlide ka gare ka iri e tee, le iri ye nngwe, gomme ba be ba le batho ba iri ya lesometee. Batho ba iri ya lesometee.” Bjale, lena ba le balago semoyeng gare ga methaladi, gobane ke swanetše go taboga mo le go hlaganelia. Bjale, lebelelang. “Etlang ka gare, batho ba iri ya lesometee.” Gomme thwi bjale . . . “Ba pele ba tla ka gare le go amogela peni, gomme ba go latela ba tsena gomme ba amogela peni, gomme batho ba iri ya lesometee ba hweditše peni ya go swana yeo ba e dirilego mo mathomong.” A yeo ke nnete? Iri ya lesometee!

²¹³ Bjale, šetšang, Mojuda ke seka, re a mo latela bjale. Bjale, ge Ntwa ya Pele ya Lefase e etla, go tšere Mojuda yo mongwe le yo mongwe, ba šwalalane go ditšhaba tšohle. Go swana le Lengwalo la mathomo leo lehono le botšišitšwego, ka fao A tla ba phatlalatšago magareng ga ditšhaba tšohle, ke bao bohle. Gomme mo go tla diphefo di etla ka Jerusalema, mogohle, ntwa ya lefase.

²¹⁴ Gomme O rile, “Swarang! E emišeng, go fihla re swaile bahlanka ba Modimo wa ren.” Ka mantšu a mangwe, “Re ba tliša ka gare go tšwa ditšhabeng tšohle, mogohle, go ba tliša ka gare gobane re swanetše go ba tliša thwi ka fa go swaya dikete tše lekgolo masomenne nne. E swareng!”

²¹⁵ Gomme Ntwa ya Lefase Ke emišitše ka kgwedi ya lesometee ya ngwaga, letšatsi la lesometee mo kgwedding, iri ya lesometee mo letšatsing, gore batho ba iri ya bolesometee ba kgone go tsena. Pitšo ya mafelelo bakeng sa Mojuda! Gomme o ya go amogela kolobetšo ya go swana ya Moya wo Mokgethwa yeo ba e hweditšego morago kua mathomong morago fale ka Pentecost, a kolobetšwe ka tsela ya go swana, le se sengwe le se sengwe, batho ba iri ya bolesometee ba sepelela ka gare.

²¹⁶ O rile, “E swareng, bjale, go fihla re swaile.”

“Ke botelele bjo bokae O yago go e swara?”

²¹⁷ “Go fihla re swaile bahlanka ba Modimo wa ren. Bjale, re—re swaya Bantle, ba swailwe, dikete atiša ka dikete go kgabolia ditlhomaro tše le ditlaišego, ba swailwe. Eupša ema motsotso! Feela motsotso! O se dumelele pel . . . O se ke wa dumelela nako go tla go fihla re swaya bahlanka ba.” Gomme o swaile dikete tše lekgolo le masomenne nne.

²¹⁸ Ka gona diphefo tša tlemollwa gape. Bjale, hlokamelang, gomme ge e sale Ntwa ya Pele ya Lefase kgafetšakgafetša go bile le tlhomaro kgahlanong le Mojuda. Godimo go tsogile Hitler bakeng sa Ntwa ya Bobedi ya Lefase, gomme ge a dirile, o thomile go . . . Eng? O be a eya go kgeila lefase ka moka thwi go dikologa. A yeo ke nnete? O be a eya go le kgeilela godimo, le thwi go dikologa. Ee, o be a le.

²¹⁹ Se sengwe le se sengwe se be se swanetše go ba Bokomonisi. A le elelwa ge ba be ba eya go ntsentšha ka kgolegong tlase fa? Ke be ke rera selo se sa go swana tlase mo ka Holong ya Redman bošego bjoo. Ee, mohlomphegi. Ka re, “Go tla ba diism tše tharo. Gomme tšohle di tla kgobokana ka go ism e tee, gomme ism yela e tla tliša pele tlaisko ye e tla romelago Jesu Kriste lefaseng gape.” Gomme seo ke tlwa bjalo. Gomme yeo e be e le Bokomonisi, gomme—gomme Hitler le—le Nazi, le go ya pele; le ka fao Bofasci bja Mussolini, le Hitler, le Stalin. Ke rile, “Ye nngwe ya tšona e tla tšea lefelo. Ga ke tsebe ke efe e tla bago, eupša ke dumela e tla ba kgoši ya Leboa.” Ka nnete le elelwa dilo tšeо le ka fao tšeо di rutilwego ka mo; le Ngwanešu Mahoney, le lena bohle go tšwa moragorago kua, le a tseba.

²²⁰ Gomme ba rile, “Ge o rera yeo . . .”

²²¹ Gomme ka go se sa N.R.A. selo, ke rile, “Seo ga se leswao la sebata, kgonthe aowa. Ke kiletšo ya bodumedi; e sego seo.” Ke rile, “Yeo e no ba pulamadibogo go dira batho go lokela, le go tseba gore mathomong a, thwi mo ke mathomo a bohloko, thwi mo ke moo re thomago ka gare. Thwi fa ke ge na—ge nako e thoma go batamela kgauswi. Bjale, hlokamelang, fale mo nakong yeo.”

²²² Bjale, tlhomaro e tla godimo ga Bajuda, gomme ba thoma go ba hlomara go tšwa setšhabeng se sengwe le se sengwe le go ba gapela thwi ka Jerusalema. A yeo ke nnete? Yo mongwe le yo mongwe, ba ya thwi . . . Gomme O tla ba le dikete tše lekgolo masomenne nne. Lebelelang godimo fa gannyane kgojana ka go Kutollo moo Johane . . .

²²³ Mna. Bohanon tlase fa o rile go nna, o rile, “Ga se ke kgone go bala Kutollo yela.” O rile, “Monyalwa šole o be a eme godimo ga Thaba ya Sinai.” O rile, “Monyalwa šole godimo mošola ka Legodimong.” Gomme o rile, “Monyalwa o be a le kua, le meetse . . . terakoni e tshwele meetse go tšwa molomong wa yona go dira ntwa le Yena.” O rile . . .

²²⁴ Ke rile, “Mna. Bohanon, selo sa yona ke, o na le selo sa phošo, go se bitsa ‘Monyalwa.’” Ke rile, “Bajuda ba tla ema godimo ga Thaba ya Sinai, dikete tše lekgolo masomenne nne. Monyalwa, ka go nepagala, o be a le Legodimong le Jesu. Gomme terakoni yeo e tshwele meetse go tšwa molomong wa yona e tla dira ntwa le mašalela a Peu ya mosadi.” Seo e bile sehlopha se mo se se bego se swanetše go ya tlase, e sego sela. Le a bona? Mašalela a Peu ya mosadi, “kereke ye e hlwekišitšwego,” ntle le go amogela Moya wo Mokgethwa, bao ke bona a dirilego ntwa le bona. Le a bona?

²²⁵ Šeba bona, go ne meloko ye meraro. Ka mehla ba boloke ba bararo monaganong. Gomme mo o bone, go dikologa, dikete tše lekgolo le masomenne nne tše go dikologa Monyalwa yola yo mogolo a lopolotšwego. Ke mašalela a a tlogetšwe, šebao bona, Bajuda šebale, fale, ba swailwe, dikete tše lekgolo

masomenne nne. Šeba bona bao ba hlwekišitšwego, bao ba gannego go hwetša Moya wo Mokgethwa. Kereke e tla hlomara kgahlanong . . . ke—ke kereke ya Roma le bona ba tla ba hlomara. Eupša Monyalwa o šetše a hlatlošitšwe gomme o ka Legodimong. Šebao fao, ba beilwe tlwa ka tsela ye Beibele e rilego ba tla ba. Le a bona?

²²⁶ Kafao dikete tše lekgolo masomenne nne ke Bajuda, bahlanka ba Modimo. Gomme ge Ebangedi ya Moya wo Mokgethwa e rerelwa bona, gomme ba amogela kolobetšo ya Moya wo Mokgethwa feela tlwa boka ba dirile mo mathomong, lebaka la Bantle le fedile, Kereke e swailwe, Tthatlogo e a tla.

²²⁷ Matšatši a Bantle, Ebangedi e rerilwe mogohle, ya kokotelwa magareng ga Bantle, go goga lokwa, go leka go tliša hlapi ye nngwe le ye nngwe e lego gona ka meetseng go tsena. Gomme di lebeleleng, ye kgolokgolo . . . ? . . . Morwalo e be e le ohle dipshinyaleraga le digokgo tša meetse, le go ya pele. Feel a ka pela ge tsošeletšo e fedile ba boela thwi morago ntle ka lefaseng gape. Hlapi šetše e nyakile go kgokelelwa. Le bona se ke se rago?

²²⁸ Ebangedi e rerilwe! Ga le sa kwa go lla gape, ga go sa le go ngunanguna, ga go sa le go fegelwa, go llela kolobetšo ya Moya wo Mokgethwa. Ba rata go tsena ka gare, ya, ba Bea diatla godimo ga bona ka makgolo, gomme ba tšwela pele le go bina, mohlomongwe, goba se sengwe gape go swana le seo. Seo ka moka se gabotse, eupša tšeou e no ba dikgopolou.

²²⁹ Motho Kriste Jesu o tšweletša selo sa kgonthe, le go boloka motho yola a bolokegile ka go Kriste go fihlela A etla. Yena šoo. Gomme bjale, gomme ke ka lebaka leo ga go sa na go lla, mejako e no nyakile e tswalelwa. Nnete e nno ya pele, feela e ka ba nako ya yona ya mafelelo, feela ba se nene go goga boka seo go tsena ka Mmušong wa Modimo. Mabati a tswalela!

²³⁰ Gona selo sa go latela ke eng? Bajuda ba swanetše go amogela Moya wo Mokgethwa le go kolobetšwa Leineng la Jesu Kriste. Gohle go bapa ba tlaišitšwe le go dirwa metlae; gomme, fao, ka pela ge Moya wo Mokgethwa o emetšwe go bona, ba amogela kolobetšo ya Moya wo Mokgethwa. Kereke ya Bantle e hlatlošitšwe. Gomme bao ba gannego, gomme ba nno sepela ka tlase ga tokafatšo, terakoni (maatla a Roma) e gaša meetse, ao a tla kopanago le Bokomonisi, le go tšeela kereke ka go tlaišo boka yeo. Šebale ba swantšitšwe tlwa.

²³¹ Oo ngwanešu, ge re e bona e etla, ke ka baka leo ke rapelago, ke ka baka leo ke llelago Modimo, "Morena, ke nyaka go ya go Bajuda bale. A nke ke thome ka gare tlase kua ka Afrika, go šoma le ba ba sego nene ba Bantle bao le Bomohammedan. Gomme a nke ke ye godimo fa ka India le go leka go tšweletša le go ba bontšha wa kgonthe Morena Jesu Kriste ka maatla a Gagwe, Mehlolo ya Gagwe, Kolobetšo ya Gagwe, se sengwe le se sengwe, le Moya wo Mokgethwa." Ka gona ge ba etla Jerusalema . . .

²³² Ngwanešu Beeler, se e be e le se o bego o botšiša ka sona. Ge ba etla Jerusalema le go ema ntle kua, le go re, “Bjale, ge Jesu e le Morwa wa Modimo yo a tsogilego go tšwa bahung, O tseba dilo feela boka A dirile morago fale mo mathomong, A ka tšweletša Bophelo bjalo go swana bjoo A bo dirilego morago fale. Gomme ge A dira, a o tla Mo amogela bjalo ka Mophološi wa gago wa sebele?” Gomme gona bontšha gore Modimo ka maatla a Gagwe a magolo le dilo tša maatla a Gagwe a tsogo, O ne rena.

²³³ Ka gona ge ba dira seo, ba re, “Bjale, lena bao le Mo amogetšego bjalo ka Mophološi wa lena wa sebele . . .” Ke a holofela go tla ba dikete tša bona. O re, “Moya wo Mokgethwa wa go swana wo o welego ka Letšatši la Pentecost o thwi mo bakeng sa lena.”

²³⁴ Ka gona Ebangedi e ya morago go Bajuda thwi fao ka nako yeo. Gona go tla ba tsošeletšo magareng ga Bajuda bale thwi fale yeo e tla rwalago diketekete le masome a dikete le . . . kete tše lekgolo masomenne nne, ka Mmušong wa Modimo, ba tla swaiwa ke Morongwa yo a swayago.

²³⁵ Ke a tshepa gore O tšwa Bohlabela. Yeo ke tsela ye A tšwago go rena bjale, ka leswao la Gagwe ka seatleng sa Gagwe. Gona, oo, ke nyaka go kgobelwa ka kua. “Ke rometše tlhomaro mo le tlhomaro kua, gomme Ke kitimišitše Bajuda le go ba otlela ka maatla ka mo nka kgonago. Gomme ba otleletše morago ka gare. Bajuda ba bantši ka United States (ye ba ka se phonyokgego go yona) šetše ba amogetše Moya wo Mokgethwa. Eupša ke na le bohole ba dikete tše lekgolo masomenne nne ba eme fale bao ba yago go amogela kolobetšo ya Moya wo Mokgethwa.”

²³⁶ Gomme thwi fale, ka pela ge Morongwa yola a swaya o thoma go swaya bale ba dikete tše lekgolo le masomenne nne, mojako wa Kereke ya Bantle o tswaletšwe, gomme Bajuda ba iša Moya wo Mokgethwa go Bajuda. Gomme ba tla ba le tsošeletšo ye e tla swielago lefase lohle. Haleluya! Gomme maatla a Modimo a tla bonagatšwa magareng ga Bajuda. Oo, go botse bjang! Fše! Oo, nna!

²³⁷ A nke ke bone, thwi ka pela, “Jesaya.” Re na le bale “barwa ba Modimo.” Bjale a re boneng:

A Israele . . .

²³⁸ Bona ge eba o ka kgona go bala seo, ngwanešu. Ke . . . E be e le mohuta wa go kitima mmogo, o e fogohleditše makga a se makae. Gomme ke tla be ke lebeletše bakeng sa yo mongwe. Ge le ka rata, hle. [Ngwanešu Neville o bala potšišo.]

14. [A tlhalošo ya Jesaya ya “go rula ditšoša go megoma” go tla go phethega lebakeng la pušo ya ngwaga e sekete ya Kriste, go phala se sengwe seo motho a ka se tlišago, bjalo ka ge borabodumedi ba bantši ba sebjalebjale ba re botša?—Mor.]

²³⁹ Mang kapa mang yo o lego yena, ngwanešu morategi goba kgaetšedi... go lebega bjalo ka mongwalo wa monna. Eupša, go le bjalo, e ka ba mang o lego yena, o nepile tlwa! Ke ge megoma e tla rulwa... goba ge ditšoša di tla rulwa go megoma. Seo se tla tliša pele Pušo ya Mileniamo. Gomme ditumelo tšohle tša sebjalebjale tša bodumedi tše di yago go dikologa di leka go ruta batho ka go Mmušo wa Modimo... Seo e tla ba ge Modimo ka Boyena a tla tla ka go Sephedi sa kagodimogathago le ka go Maatla a kagodimogatlhago, go batho ba ba dumelago kagodimogatlhago, gomme ba tla amogela Maatla a kagodimogatlhago ao a tla kgolokago barwa ba Modimo. Haleluya! E ka se tsoge ya ba go bala gape, go ngwala, dipalo, e tla ba ka maatla a tsogo ya Jesu Kriste. Gona lefase le ka se sa ithuta ntwa gape.

²⁴⁰ Setšhaba se sengwe le se sengwe lehono, maatla a mangwe le a mangwe, mmušo wo mongwe le wo mongwe, o laolwa ke diabolo. Beibebe e bolela bjalo. Gomme le lengwe la matšatši a mmušo wa lefase le o tla ba mebušo ya Morena wa rena le ya Kriste wa Gagwe, gomme O tla buša le go rena mengwaga ye sekete godimo ga lefase; le go hlatloša Kereke. Tlwa, seo ke nnete tlwa, mmadi wa go ratega.

²⁴¹ Ba dikete tše lekgolo le masomenne nne ke bahlanka. Palo ye kgolo ye go sego motho a ka kgonago... “Mašabašaba ao go sego motho a ka kgonago go a bala,” ke Bantle.

²⁴² Motsotso feela bjale, selo se tee gape se sennyane godimo kua. Nka se kgone. Ke tla no ba le thapelo ya phuthego nako yeo, mo metsotsong e se mekae. Lebelelang fa, ke nagana Se se bohlokwa kudu gonabjale. Ke nyaka go rapelela balwetši, eupša re tla itlhaganela. Sebakeng sa go ba le tlhatho, re tla no ya thwi go kgabola. Ke nyaka go le botšiša se sengwe. Ebile ye nngwe še. Ke tla no swanela go tše ye le go e hwetša Lamorena la go latela, ke a thanka.

²⁴³ Lebelelang, bagwera, go se, go botse bjang! Lebelelang! Ke nyaka le hlokomele bjale, sekgauswi, motho yo a botšišitšego potšišo ye. Dikete tše lekgolo masomenne nne, bjale, bao ke bahlanka, ba tla hlankela. Ge le hlokometše, maemong, ka go Lengwalo la kgale...

²⁴⁴ Ka mehla lebelela moriti ge o nyaka go bona gore phosithifi ke eng. Yeo ke nnete. Lebelela morago mošola, bona se e lego sona. Bjale, seo ke pele morago ge e sa le go tloga Sefapanong, gomme lebelela gore phosithifi ke eng ge o nyaka go bona gore moriti ke eng. Morago kua, o be a itshamile godimo go Sefapano, re ile ra swanela go lebelela (morago kua) go bona moriti, go bona se Sefapano se tla bago; bjale o swanetše go lebelela go tšwa Sefapanong, go lebelela morago le go bona se moriti o lego sona. Le a bona? Lebelelang se Kriste a bilego mo matšatšing ge A be a le fa lefaseng, se A bego a le sona nako yeo ke Yena bjale.

Wo ke moriti wa Gagwe. Le bona se ke se rago? Le a tseba, mo mathomong ge ke e hlalošitše, seo ke se e lego. Bjale, ge eba ke lebeletše go tšwa morago fale, Ke swanetše go lebelela se moriti o bego o le sona go hwetša ntle se se tla bago, se Sefapano se bego se le.

²⁴⁵ Bjale, letšatši le lengwe go be go na le sebe ka go Israele, gomme go be go le monna... mo lelokong la leina la Lefi. Ba gogile ditšoša tša bona gomme ba ile le Moshe go ya kampeng, gomme ba sentše se sengwe le se sengwe e bego e le sebe. A yeo ke nnete? Modimo o lebeletše fase gomme o rile, “Gobane le dirile se gomme la Nkemela, ya lena... ka moka ba bangwe ba ba tla le direla. Gomme eyang thwi ka tempeleng bjalo ka baprista.” A yeo ke nnete? “Le dula thwi ka tempeleng, gomme ka moka ga bona ba tla šoma gomme ba tla tliša ka gare sa lesome le go le hlokomela.” A yeo ke nnete?

²⁴⁶ Oo, haleluya! Ge le ka kgona go bona se tempele yela e bego e le sona, gore Balefi e be e le Monyalwa. Bjale, ge sebe se šišinyega godimo ga seatla se sengwe le se sengwe, Balefi ba goga ditšoša tša bona. Monyalwa motswalwa ke Moya wo Mokgethwa o eme ntle, a re, “Jesu Kriste ka go phosithifi ke Jesu Kriste ka go nekethifi, feela go swana. Sebe e sa le sebe, ke phošo go dira dilo tše!” Yeo ke nnete, ba eme fale ka Tšoša.

²⁴⁷ Modimo o re, “Lena tlang bjale, bašegofatšwa ba Tate wa Ka.” Yoo ke Monyalwa.

²⁴⁸ Bahlanka šebao, gomme lebelelang moo bahlanka ba kampilego. Lesomepedi ka lehlakoreng le... Ke ra, nne ka lehlakoreng *le*, nne ka go lehlakore *lela*, nne ka go lehlakore *lela*, gomme nne ka go lehlakore *lela*; meloko ye lesomepedi. Meloko ye lesomepedi ke dikete tše lekgolo masomenne nne. Lebelelang ka go Puku ya Kutollo, o bone Toropokgolo ka metheo ya yona ye lesomepedi. Godimo ga kgoro ye nngwe le ye nngwe go be go le leina la moapostola, gomme dikgoro tše lesomepedi. Gomme go dikologa e be e le meloko ye lesomepedi, (haleluya!), ba dutše tikologong.

²⁴⁹ Gomme ka kua go be go le Balopollwa. Haleluya! Ntsho, tšhweu, serolwana, tsotswana, gomme bohole bao ba hlatswitšwego ka Madi e tla ba bahlanka ba Gagwe, O rile ba tla ba le Yena. Ba tla... Letšatši le ka se sa wela godimo ga bona gape, ba ka se sa swarwa ke tlala goba go nyorwa gape, gomme ka Lebaka le legolo la go se kgaotše ba tla phela le go rena le Kriste go ya go ile: Yena, Kgoši; le bona, Kgošigadi. Go buša le go rena go ya go ile!

²⁵⁰ Morena a le šegofatše. Amene. Ke tla boloka tše; Modimo ge a rata, ke tla ba thwi morago le tšona gape, mohlomongwe bošegong bjo, le go di araba bošegong bjo goba e ka ba neng Ngwanešu... re tla tla mmogo le go bolela. Morena a le šegofatše. Le Mo rata ka pelo ya lena yohle?

Oo, ke nyaka go Mmona, ke nyaka go lebelela
godimo ga sefahlego sa Gagwe,
Fao go phela neng le neng ka mogau wa Gagwe
wa go phološa;
Mo mekgotheng ya Letago a nke ke phagamiše
segalontšu sa ka;
Ge matshwenyego ohle a fetile, gae mafelelong,
go hlalala ka mehla. (Oo, nna!)
Ge ke eta go kgabola naga ye, ke opela ge ke
sepela,
Ke šupetša disoulo go Khalibari, go moela wo
mohubedu, (E sego—e sego go kereke; go ya
Khalibari.)

²⁵¹ Fao ke mo re šupago; e sego godimo go thutamodimo tsoko, eupša go moela wo mohubedu, go Jesu Kriste. “Bophelo bo ka mading,” gomme Yena ke Madi a Modimo e lego Bophelo bja rena bjo bo phelago ka go rena bjale. A go šegofatšwe Tlemo ye e tlemago!

²⁵² Ge re sa ya go rapelela balwetši, ke nyaka to—to tokelo ya go ikgetha bjale. Ke nyaka Kgaetšedi Gertie le morwedi wa gagwe, ge ba ka rata, go tla mo. Gomme ye ke pina ya kgale ya setlogo, ke nyaka le e opelele nna, *Dumela Feelā*. Ke a eelwa, ke be ke sepela ka mojakong wola, gomme pina ye e ntatetše gohle go kgabaganya ditšhaba. Gomme ke—ke nyaka ba opele, o bile wa mathomo go e bapala, la mathomo ge ke ekwa. Mokgotsi wa ka o e ngwadile, Paul Rader. Gomme, pele re rapelela balwetši, ke nyaka ba e opele ge ditšhegofatšo tša Modimo di sa dutše godimo ga batho bakeng sa balwetši.

²⁵³ Re tšere nako ye ntši. Tshwarelo, Ngwanešu Neville. Modimo a le šegofatše. A le rata dipotšišo? Ke a dira. Oo, gomme bona e be e le ba go loka ka kgonthe, ba be ba no ba gabotse kudu. Gomme go no ba sehlopha se sengwe. Gomme, ka kgonthe, ba bangwe ba bona ga se ba be ba kgabola go tsenelela le bjale, oo, go no ba bontši kudu go ya go di kgabola. A nke Morena a šegofatše.

²⁵⁴ Lena bohole bolokang monagano wa lena go Kriste bjale, gomme a re fetoleng go tloga go dipotšišo morago go phodišo Kgethwa. Ke ba bakae ba lego mo go rapelelwa? A re boneng diatla tša lena, le nyaka go rapelelwa. Go lokile, re ya go ba tliša pele le go ba rapelela feela mo nakwaneng, ka pela ge dikgaetšedi tša rena ba opela pina ye botse ye. Ge ba sa itokiša, di lekeletše thwi ka godimo ga lena bjale ke Tshepišo, ye ke Beibele ya Gagwe.

[Kgaetšedi Gertie le morwedi wa gagwe ba opela *Dumela Feelā*—Mor.]

Dumela feela, feela . . .

²⁵⁵ Bjale, lena ba le babjago, šuthelang godimo go dikologa aletara bjale, ge le rata.

Dilo tšohle di a kgonega, dumela feela;
 Dumela feela, dumela feela,
 Dilo tšohle di a kgonega, dumela feela.

²⁵⁶ Bjale, Tate wa Magodimong, re leboga kudu lehono bakeng sa Lengwalo le le bakeng sa pina ye, “Dumela feela.” Re kgona go kwa O re go tate yo a bilego le mošemane ka bolwetši bja go wa dihwahwa, “Dumela feela, gobane dilo tšohle di a kgonega.”

²⁵⁷ Bjale, re a rapela, Modimo, ge batho ba ba etla aletareng go rapelelwa, go boneng gore re mo, nekethifi, feela nekethifi; phosithifi e no ba go re dikologa, Moya wa go se hwe wo o bego o le godimo ga rena o ka se tsoge wa hwa. Yohle e tla ba go kgabola mabaka a sa kgaotšego. Gomme re ya pele bjale bjalo ka mohlanka wa Gago yo a tloditšwego, go thuša monna mmogo wa rena go amogela thušo, bakeng sa feela maikešetše a matee, tate, ao ke gore ba tla Go tagafatša. Gomme bjale a nke yo mongwe le yo mongwe a emego fa mo aletareng mosong wo, balwetši, batlaišegi, bjale a nke Moya wo Mokgethwa o fe phodišo go yo mongwe le yo mongwe wa bona.

²⁵⁸ Gomme rena bjalo ka mohlape wo monnyane wa Gago—wo monnyane, woo dikgaetšedi di bego di no opela go wona, “Se boife, mohlape wo monnyane,” re a tseba, Morena, ke thato botse ya Gago go fa Mmušo go bale. Gomme re a tseba gore ka mehla O kgauswi, gobane O rile, “Kae kapa kae ba babedi goba ba bararo ba tla kopanago Leineng la Ka, Ke tla ba magareng ga bona. Gomme e ka ba eng ba e kgopelago, ke tla e fa.”

²⁵⁹ Bjale, go ya ka Lentšu la Modimo le le sa kgonego go palelwa, Lentšu la Modimo, efa phodišo go yo mongwe le yo mongwe, Morena. Gomme ba eme fa, ba letile. Ge re eya go tlotša ka oli le go bea diatla godimo ga bona, le go kgopela bakeng sa tokologo, a nke yo mongwe le yo mongwe wa bona a ye ditulong tša bona, morago magaeng a bona, ba Go tumiša, ka tlwaelo, ka phethagalo, le gabotse. Gomme ba bowe gape bošegong bjo, Morena, mo tirelong, go feng tumišo le letago go Modimo bakeng sa phodišo ya bona. E fe, Morena.

Gomme ge re sa inamišitše dihlogo tša rena:

²⁶⁰ Ngwanešu Neville, etla le nna, ge o rata. Ke nyaka Ngwanešu Fleeman, le Ngwanešu Deitzman, goba yo mongwe fa, le Ngwanešu Cox, lena bohole etlang mo gomme le nthuše aletareng. Matikone fa a kereke ke seo ke se biletšago feela mo nakong ye.

²⁶¹ Gomme ge re ba rapelela, le ka kgona go ba thuša ge le nyaka. Ke—ke nyaka yo mongwe le yo mongwe ka mo go hlokoſala ka kgonthe. Gomme ge re rapelela balwetši, ke nyaka le rapele le rena.

²⁶² Ke bona mošemane yo monnyane a dutše morago fale bjale, yoo nakwana ya go feta o sepeletše ntle ka holong fale gomme o bile le tšhologo. Gomme Morena Jesu ka go makatša o emišitše madi thwi bjale. Le a bona? Kgaogelo ya gagwe e tumišwe, Leina

la Gagwe le hlomphiwe. Go no bona ke ba bakae ba fodilego ka matšatšing a se makae a go feta!

²⁶³ E no nagana, yena Morena Jesu yo a bego a le morago kua ka matšatšing a baapostola o thwi mo bjale. Gomme e no feletša bofelo bja Bantle. Mosepelo wo mogolo o ya magareng ga badumedi ba kagodimogatlhago, gobane re dumela gore Modimo o fa.

²⁶⁴ E no nagana, wa gago—wa gago mmele wa go tagafatšwa o thwi mo ka tabarenekeleng bjale, Bogona bja Moya wo Mokgethwa *e lego* seemo sa gago sa letago. O tagafaditšwe ka go Kriste thwi bjale! “Bao A ba lokafaditšego, O ba tagafaditše.” Gomme mmele wa gago mong wa go tagafatšwa o eme kgauswi le wena gonabjale, ka go Kriste Jesu, go go fa maatla boka tšhatšara e eya petiring. Moya wo Mokgethwa o ka go wena. Ke go tšhatšiša mmele wa gago go go fa maatla a maswa, go go fodiša go tloga bolwetšing bjo o nago nabjo, go go dira o loke.

²⁶⁵ Bjale, ke nyaka kereke, ge ba ka rata, le dikgaetšedi tša rena, ge ba ka opela pina yela go kgabola gape. Bjale, yo mongwe le yo mongwe wa lena mo aletareng . . .

²⁶⁶ Bjale, bagwera, ge ke le mofori, ga ke tsebe selo ka ntlha. Ke leka go ba Mokriste, gomme ka pelo ya ka yohle ke leka go thuša batho. Gomme ke leka go le thuša, bana ba Modimo. Gomme ge ke—ge ke rata Tate wa ka wa Legodimong, ke tla le rata, bana ba Gagwe. Ge ke sa . . . Ge ke le fora, ke lekile go fora Modimo, le bana ba Gagwe; ga go yo motee a ka kgonago go fora Modimo. Ke leka go le thuša.

²⁶⁷ Ke ka lebaka leo Modimo a šegofatšago matsapa a ka. Gomme mohlomongwe ke badiidi kudu, gomme ba bangwe ba bona ke lewa ke dihlong ka bona, gomme Modimo o a tseba ke lewa ke hlong ka bona le go sokologa go maitapišo a ka. Eupša ke dira tšohle nka kgonago go thuša Mmušo wa Modimo le go le thuša bana ba Gagwe. Amogela Jesu mosong wo bjalo ka Mofodiši wa gago, thwi mo sefaleng, o tla ya morago go madulo a gago le go legae la gago gomme wa ba sekeng le go fola.

²⁶⁸ Bjale, ge A ka fodiša makgolo fa, le dikete le diketekete go dikologa lefase, gobaneng A ka se go fodiše? Nno dumela feela. Go lokile, dikgaetšedi. Ngwanešu Neville, ke nyaka o tle le go ba tlotša. [Ngwanešu Branham o rapelela balwetši, mantšu a gagwe ga a kwagale—Mor.] . . . ? . . .



DIPOTŠIŠO LE DIKARABO NST54-0103M

(Questions and Answers)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Janaware 3, 1954, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org